

淮海英靈集
一





淮海英靈集
一

阮元輯



中華書局

淮海英靈集

此據文選樓叢書
本排印初編各叢
書僅有此本

淮海英靈集序

吾鄉在江淮之間。東至于海。漢唐以來。名臣學士。概可考矣。我國家恩教流被百餘年。名公卿爲國樹績。其餘事每托之歌詠。節臣孝子。名儒才士。畸人列女。輩出其間。雖不皆藉詩以傳。而鍾毓淳秀。發于篇章者。實不可泯。元幼時。卽思輯錄諸家。以成一集。而力未逮。入都後。勤于侍直。亦未暇及此。乾隆六十年。自山左學政。奉命移任浙江。桑梓非遙。徵訪較易。遂乃博求遺籍。徧于十二邑。陳編蠹案。列滿几閣。校試之暇。刪繁紀要。效遺山中卅十集之體。錄爲甲乙丙丁戊五集。又以壬集收閭秀。癸集收方外。虛己庚辛三集。以待補錄。曰淮海英靈者。宋高郵秦少遊警名其集曰淮海。唐殷璠選唐詩。亦曰河嶽英靈集矣。書成雕板。用廣流傳。余之錄此集。非敢取鄉先生之詩。衡以格律。而選定之也。亦非藉已故詩人。爲延譽計也。廣陵耆舊。零落百餘年矣。康熙雍正。及乾隆初年。已刊專集。漸就散失。近年詩人刻集者鮮。其高情孤調。卓然成家者固多。卽殘篇斷句。僅留于敝篋中者。亦指不勝數。亟求之。猶懼其遺佚而不彰。遲之又久。不更替乎。且事之散者難聚。聚者易傳。後之君子。懷耆舊之逸轍。采淮海之淳風。文獻畧備。庶有取焉。

嘉慶三年秋八月癸巳鄉人儀徵阮元謹序



凡例

一通州如臯泰興舊隸揚州。今錄詩托始國初。故未便區別畛域。同爲登載。

一所錄詩人。皆以已故者爲斷。遺編舊集。或訪之友人。或出之賢嗣。成購之書肆。或搜之別集。每人各爲小傳數行。以紀爵里事蹟。或以詩存人。或以人存詩。譌舛遺漏。誠恐不免。尙希同志。諒而增改之。苟有益于前人。何必出于吾手。斷不稍存意見也。

一十集尙虛己庚辛三集。緣數年搜輯。雖得大畧。而高人祕集。未經人見。及人在近代。反未得詩者。正復不少。或俟今人補遺。或俟後人續錄。庶幾十集。勒爲完書。

一每集各爲起訖。其甲乙分集。皆以得詩先後爲定。竝無分別義例。有以家集寄者。卽其集之居前者爲次。其餘族姓。以類相從。或一姓數人。前後分者。隨到隨編。未便畫一。

一外省人入籍揚州。其生卒在揚州者。方入錄。若流寓詩人。本極繁多。且昔王漁洋司寇。盧雅雨轉運。馬秋玉徵君等。招集名流。觴詠尤盛。多不勝收。當俟另纂。

一各家之詩。皆就其所擅長者錄之。庶各體皆備。不敢存選家唐宋流派門戶之見。

一小傳中所載著述經史子集名目。皆從各家志傳采入。多未親見原書。想今亡者俱多。或本虛標名。

目然與其刪之。毋寧存之。庶將來錄藝文志者得據此採訪云。

一忠孝節義之事蹟及讌會之韻事園亭之廢興。彙言名句之流傳。書畫古器之賞鑑。元已別爲廣陵詩話若干卷。俟定彙後再爲付梓。

一助元編輯諸友。爲烏程陳無軒。煒。秀水趙蘭生。薰。錢塘陳雲伯。文杰。青田端木子。騫。國瑚。

甘泉焦里堂。循。家叔北渚。鴻。助元徵詩諸友。爲儀徵團椒墩。維塘。汪慶人。榮懷。程中之。

贊和。魏公。贊皇。定甫。贊寧。一亭。贊普。汪晉蕃。光曜。方靜也。仕杰。薛二川。溶。王東山。

文泗。李艾塘。斗。江都葉文光。觀廷。史壽莊。椿齡。張旣堂。維楨。甘泉張篠軒。觀海。黃伊。

宣洙。朱春棧。歐陽製美。錦。焦里堂。循。季蕃。徵。李濱石。鍾泗。黃秋平。文暘。徐□□。元方。

王東楹。授。謝成蔚。開基。江鄭堂。藩。高郵夏澹人。味堂。沈方鐘。鈞。王伯申。述之。寶應劉。

瑞臨。台拱。建臨。台斗。朱休承。士彥。興化黃約。領驛。泰州陳理堂。變。繆善夫。承鈞。通州。

劉仙培。泰興季廉夫。爾慶。此外尙有遺忘。續爲補載。校字者。爲吾弟仲嘉。亨。子長生。

目錄

甲集卷一

魏衛 孫自成 丁日乾 陸舜 劉欽鄰 蕭日曠 劉懋贊 卓爾堪 樊瑩
樊經 厲士貞 劉瑞 王誥 俞珏 徐石麟 黃又 梁嘉稷 魏嘉琬
汪士裕 畢銳 王澤孚 張幼學 史克封 王令樹 王新銘 桑豸 陳秉樞
繆沅

甲集卷二

張弓 左衡 陶澂 汪耀麟 汪懋麟 劉中柱 劉家珍 殷王嶧 周璽
吳綺 彭士右 劉允祚 趙開雍 于王棟 華袞 徐衡 姚誼昉 李嘉允
吳維翰

甲集卷三

宗元豫 宗觀 宗元鼎 楊潛 孫閔達 黎曜 黎田 殷嶧 田登
黃雲 殷譽慶 張璞 張繹 張符驥 吳遵 汪楫 姜任修 姜恭壽

姜文載 李仙榜 戴勝徵 孫浴 孫玉甲 朱摺 巴鑒 束志渤 束智湧

廖榮懷 袁爾職 朱夢漣 朱學爽 解鼎基 汪從晉 汪超寧 汪增寧

甲集卷四

程文正 程夢星 郭長源 王文充 王履吉 程盛修 吳宏謨 吳宏訓 吳宏雋

林樹宗 徐攀龍 黃卷 孫輻 周祥 朱純 古斌 黃元焯 高詣

張銓 吳鴻紳 黃于詠 俞燾 沈光祖 陳俠 吳文璧 鄭永和 閔畢

方士庶 方士廔 任大椿 李道南

喬椿齡

乙集卷一

郝明龍 杜仁俊 王穀 朱淑熹 李拔卿 徐熹 鮑開宗 熊敏慧 熊維熊

閔敍 孫宗彝 孫弓安 孫弓聖 孫濩孫 孫中 孫穀 孫同郊 孫同庶

從準 劉長發 賈良璧 江閻 張丕揚 王訪 吳能謙 許天球 張紹良

張鈿 蘇同許 陳時清 汪惟豫 方肇夔 吳賦書 徐維祺 文二訓 陳儼

謝旭 方願瑛 杜銘 劉國猷 劉師向 劉師恕 劉師寵 劉冠苟 劉傳馨

劉仰桂 劉天麟 劉佺 劉履恂 劉兆彭 程文蔚

乙集卷二

| | | | | | | | | |
|-----|-----|-----|-----|-----|-----|-----|-----|-----|
| 王易 | 許承家 | 許錫齡 | 許昌齡 | 許迎年 | 許謙 | 高巖 | 高溥 | 高淸 |
| 高謨 | 顧岡河 | 秦之俊 | 秦熙 | 秦德輻 | 秦德亮 | 陸大珩 | 吳文煜 | 張元進 |
| 史順 | 吳世壽 | 石爲崧 | 沙鼎 | 史中義 | 李湘 | 趙有成 | 汪修武 | 吳寅 |
| 楊維漢 | 汪玉珩 | 王權 | 張圮授 | 朱灃 | 沙鍾珍 | 丁其錫 | 朱國琦 | 卞元彪 |
| 陸珂 | 王拱辰 | 王待 | 秦定遠 | 黃九河 | 黃九洛 | | | |

乙集卷三

| | | | | | | | | |
|-----|-----|-----|-----|-----|-----|-----|-----|-----|
| 張發生 | 汪應庚 | 卞澍 | 伍之麟 | 伍燧人 | 伍起 | 伍元台 | 許嗣隆 | 陸鍾輝 |
| 朱洵 | 劉永和 | 王令宜 | 余元甲 | 尤璋 | 史芳淵 | 葉敬 | 高玉桂 | 汪士慎 |
| 黃以琳 | 汪嘉謨 | 黃閣 | 歐陽鶚 | 吳倫體 | 朱重慶 | 張和 | 金門詔 | 馬曰琯 |
| 馬曰琬 | 馬振仲 | 趙秉憲 | 范韓 | 余瑩 | 徐宗健 | 徐獻科 | 戴源 | 蕭說 |
| 鄭從諫 | 吳琦 | 姚景詹 | 劉應麟 | 朱光岳 | 王堅 | | | |

乙集卷四

| | | | | | | | | |
|-----|-----|-----|-----|----|-----|-----|-----|-----|
| 程名世 | 程兆熊 | 吳文奎 | 程以位 | 黃裕 | 李兆吉 | 壽譽達 | 王世球 | 王世錦 |
|-----|-----|-----|-----|----|-----|-----|-----|-----|

李敬修 羅人傑 湯應隆 徐開綸 汪漢倬 曹文運 曹德岐 曹一蕭 閔璠
張 廉 梅閔琇 張 臨 王孫晉 陶開虞 吳 均 朱 冕 桂敬順 桂禮順
周鳳鳴 葛 振 葛 佺 田雲鶴 經 綸 張曰恒 方元鹿 范徵麟 焦 驥
宮履基 陳 璨 朱東啓 楊開鼎 汪 丙 汪 庚 陳多福 團連城 戴 賢
張在琦 羅 昆 吳登鰲 范 磨 管希寧

丙集卷一

季開生 季振宜 季公琦 季舜有 季載可 謝良瑜 張習孔 張師孔 楊 麓
宮偉鏐 蔣 易 朱 辰 李 穎 賁 琮 夏九敍 袁懋年 范國祐 許納階
魏 鞏 于 翰 夏洪基 卞善述 易 東 黃師憲 張李鼎 王文師 王文樞
王文奎 喬出塵 喬 萊 喬崇烈 喬崇修 喬 鐸 喬 億 喬大鈞 喬仙伊
喬方立 郭元鈺 王式丹 王懋竑 王懋謨 王懋訥 王希伊 繆肇甲

丙集卷二

唐綏祖 唐紹祖 唐繼祖 唐 翰 方 觀 蔣繼軾 朱 景 宮夢仁 宮懋讓
宮懋德 宮懋教 宮翼宸 宮 雝 汪天與 汪淳修 郭 滋 夏聞善 夏之芳

夏廷英 夏之蓉 夏廷芝 夏曉春 張師孟 姚恭 顧不疑 汪曷 錢青選

馬星 團鴻

丙集卷三

范國祿 范遇 范廷瓚 范徵書 許納陞 范荃 郭彭齡 張琴 高卓

袁洋 焦熹 閔廷容 閔宁 黃履岳 黃溥 黃法 楊大任 張輅

張進 江鑑 阮玉鉉 許建章 于璠 卞占五 汪崑 張鵬 蕭文蔚

趙曰經 張文豹 梅廷式 吳容 吳宗 吳獅 吳繼元 吳葵 張楫

李茂 蕭陽 李瑄 閔奕佑 王棠 高採 許信瑞 劉宗需 管宏進

田文潤 尙友 洪馥 茅默 倪岱 施銓 王玉藻 王方岐 王方魏

王巖 周儀 強惟良 施原 顧九錫 劉梁嵩 汪祚 馬榮祖 張學舉

董偉業 王傲 吳家應 盛園春 吳仁煜 胡存銘 胡良瑚 管一清

丙集卷四

鄭燮 李義賢 江世棟 江昱 江晏 江德堅 江德量 申甫 鄭景誠

保培基 羅興禧 汪堂 汪文珂 繆湘 繆祖培 李少白 汪吉榮 任陳晉

朱 質 唐 思

丁集卷一

| | | | | | | | | |
|-----|-----|-----|-----|-----|-----|-----|-----|-----|
| 王永吉 | 李宗孔 | 李沛 | 李沂 | 李瀚 | 鄧勦和 | 周漁 | 孫模 | 陸廷綸 |
| 李景福 | 孫兆祥 | 冒褒 | 冒丹書 | 冒嘉穗 | 冒念祖 | 程式莊 | 吳世杰 | 李玉鉞 |
| 李彩升 | 李 粦 | 李紹曾 | 成康保 | 王光魯 | 方佑 | 梁暹 | 金玉聲 | 盧恆允 |
| 張連翼 | 季堪倫 | 鄧漢儀 | 李國宋 | 李天鍾 | 黃瀚 | 黃朝美 | 黃對 | 黃時 |
| 王 康 | 朱克生 | 朱克簡 | 朱 宣 | 朱 續 | 朱 約 | 朱 經 | 朱 紀 | 朱澤灋 |
| 朱澤況 | 朱光進 | 朱宗光 | 朱宗贊 | | | | | |

丁集卷二

| | | | | | | | | |
|-----|-----|-----|-----|-----|-----|-----|-----|-----|
| 王安國 | 沈嘉植 | 朱 纘 | 湯啓祚 | 湯輝祚 | 俞 梅 | 俞楷 | 俞 墉 | 喬 肅 |
| 梅景春 | 薛顯祖 | 胡香山 | 孫 荀 | 孫寶林 | 孫鳴玉 | 趙秉忠 | 徐 浣 | 吳司直 |
| 金 榜 | 紀 愷 | 李 煜 | 姜尙遠 | 姜 紳 | 姜 紱 | 沈大脩 | 徐元慶 | 楊景漣 |
| 黃履正 | 劉志仁 | 夏蘭森 | 郭 束 | 許佩璜 | 卜 嵩 | 沈 雅 | 沈 鈺 | 程 元 |
| 程章垣 | 石繼登 | 石鍾瑞 | 鄧 文 | 杜 甲 | 洪 聲 | 賈其音 | 范廷瑞 | 王 賓 |

張楷 李滋裕 周虹 王步墀

丁集卷三

劉承毅 程鳴 江葵 陳萊有 馬祚振 樊天棟 張志琴 張達九 葉雯

江湘 黃臨賦 于泗 史鳴皋 史發榮 陶鑑 吳正已 孫世儀 桂天培

蔣椿年 謝天霽 栗溥 石寶玉 錢標林 周炯 江大銳 王楠 丁汲

朱景淳 黃考祥 朱源 江潛 江棟 江百穀 張秉彝 吳廉 仲鶴慶

陸端 吳鑾 吳煥仕 王祚 項炎 項夢魁 程志乾 黃爲兆 江崑

楊璦 杜漸鴻 易諧 常執桓 張兆雷 汪士儒 季京泰 杜明德 魏祥聯

吳楷

丁集卷四

於震 汪孚倩 江立 潘純鉦 薛廷吉 鄭灃 施朝幹 顧同根 江泳

徐錫爵 吳廷燮 陳荆璧 石頤 石孚 石中寶 戴綬年 旋元益 吳林

汪肱 金台衡 王啓心 張廷栢 張孺 巴鑾 文熙 丁書玉 丁拜恩

汪中 吳叔元 陳邦材 沙重輪 李岐 曹德南 陳詩 顧鳳毛 邢楷

董祥齡 沈宜蒲 沈荆漳 程贊普

戊集卷一

王彬 李震 李必豫 李必恒 李基簡 李貢 凌孫有 張贊元 張澎
張祖華 顧瀛 王玫 湯廷頌 喬邁 喬崇讓 丁敦 仲以懿 許容
朱四輔 鄭在涓 韓魏 汪宏 余峯 沈復曾 石沔 盧廷簡 王貴一
邵潛 孫謙 于王庭 劉之湛 戴興 黃鸞祥 陳厚耀

戊集卷二

陳鈺 陶蔚 常典 常藻 常履寬 沙永福 陳廷相 歐陽復旦 朱青選
王新猷 史進義 喬寅 賈寬生 丁腹松 薛彬 王崇謙 王國鑾 李澄
郭嗣齡 團昇 黃寧 李樵 李楷 錢密 姚士超 端木守謙 湯希儀
程銓 孫蘭 張家熹 張宏才 張屏箴 楊若霖 程增 陳夢雲 沈鐸
王曙 王永祺 項夢昶 方汝謙 史德超 張朝樂

戊集卷三

繆樸 陸震 喬渠 周邦堅 管鎰 管緒 管一潮 管一澄 朱賽

朱輅 方嶠 詹履政 蔣宣書 余漢 潘遇莘 潘遇龍 潘夢舉 潘夢龍
潘恕 姜會照 范捷 顧雲 王濤 王汙 顧人驥 張鎧 高翔
李德音 焦士緯 焦士紀 鍾信 李筠 賈成祖 賈田祖 團維墀 王彥林
員燉 張芳 李惇 吳鐸 吳釗 吳銷 吳鑲 吳晉汾 李義周
唐虛 仇棟 羅應箕 陳佩霞 葉英

戊集卷四

北湖阮氏詩

烏程陳焯填諱

阮諱世衡

阮諱玉堂

阮諱琴堂

阮諱金堂

阮諱承裕

阮諱承德

歙江氏詩

甘泉林慰曾填諱

江諱承玠

江諱洪

江諱邈

江諱春

江諱昉

江諱振箕

江諱淳

江廷泰

江嗣培

江文

西山林氏詩

江都耿弓填諱

林諱文璉

林諱廷和

林諱開

林諱閔

林諱閏

林閔

壬集卷一

閨秀

徐氏 張瑛 李素貞 袁慧嫻 冒德娟 陳傳姜 潘意 范貞儀 楊恭人
王正宗 母陳氏 王兆淑 玉書 徐德音 顧瑞麟 郭玠 吳蕓 黃之柔
吳吳 陳箋 邵笠 任婉 吳湘 徐珠淵 周貞媛 周淑媛 柏盟鷗
陳氏 倪氏 楊李 楊克恭 陳珮 袁機 袁棠 高榮 高蘊玉
俞廷元 方婉儀 程雲 梁蘭漪 俞杏貞 殷氏女 王微 吳琪 蔣葵
蔣蕙

癸集卷一

方外

李惠源 澄朗 成楷 明章 佛賜 德溥 德源 行吉 湛汎
梵音 明中 復顯 如震 超際 性仁

淮海英靈集

鄉人阮元輯錄

魏

衛 字廓功。儀徵人。老子布衣。詩境澄淡。尤工五言。
康熙二十四年卒。年六十二。著有四碑詩稿六卷。

古田舍

雞鳴把鋤出。日入把鋤歸。藝麻日已長。樹穀日已肥。麻熟織作布。穀熟釀爲醪。飲我新醪酒。著我大布衣。不知鄉里外。終身無是非。茅茨蔽桑竹。雞犬相聞聲。家家春事田。歲莫得休耕。汲水同一井。山花滿柴荆。生兒共嬉戲。至老呼其名。情話在桑麻。飽腹惟藜羹。未見長官貴。寵辱何曾驚。

小山種麥

結廬傍山麓。山田土多瘦。理業常及時。昨日已刈豆。侵晨駕我牛。春原綠如繡。新雨百泉足。平時遠風透。隨犂土脈翻。種落亦深覆。前村人語響。炊煙各相就。余亦憩茨宇。朝雲拂衣袖。

納涼

白雲映空明。幽居滌煩暑。敞榻臨南軒。夜氣清如許。蟬聲靜林薄。螢火散風緒。明月起遙情。相思共誰語。

春望

溪水碧於染。風靜落花微。坐惜白雲意。遠隨春鳥歸。賞心原不易。知己況多違。長謝桃源子。悠然見夕暉。

山居

山居如太古。蘿薜任朝昏。分樹遮檐角。留雲鎖洞門。只宜高臥穩。不共俗情論。惟有東峯月。窺人入小軒。

秋夕同陳子汪子步東園側

倚杖東林曲。清宵月又弦。光能通野白。影欲向人圓。木葉烏邊下。露華衣上鮮。涼風吹不息。天末起蒼煙。

莫行東園隄上同友人韻

涼風吹霽色。古寺坐秋煙。一杖移雲水。同人聽野泉。池華香細細。草露影娟娟。幽處偏宜暮。遙情落日邊。

江上答次巖寄懷

東望浮雲盡。常君憶我時。半年垂別意。百里寄懷詩。楊柳衰前浦。芙蓉老故枝。看山江上客。兩鬢已成絲。

江深閣看梅

滌亭春不到。相望隔天涯。何意江深閣。能開繞屋花。暗香迷鳥夢。晴雪見人家。西郭吟詩客。黃昏伴影斜。

贈參雪

遠公棲息處。萬竹古城東。白月照潭上。清香入定中。心閒諸念寂。境靜衆緣空。爲問譚經地。天花散幾叢。

送鄭雪菴歸武林

亭柳青猶淺。江梅氣已新。吟詩空握手。送遠此傷神。舟路雲生水。風颿雨趁人。歸情君自慰。遙望武林春。

歸來

誰惜邗江客。殘年襆被歸。春風吹短鬢。寒雁送斜暉。杜甫囊仍罄。陶潛醉亦稀。慰情憐弱女。向我獨牽衣。

齋夕

獨坐懷人意。空齋日又昏。樹陰分夕照。歸鳥度閒門。簾影捲花影。煙痕暗月痕。美人悵遲暮。東望碧雲屯。

冬夜坐雨

風雨蕭蕭夜。虛堂客未眠。新愁惟白髮。舊物賸青氈。欲釀寒江雪。如聞幽澗泉。宵深雲氣入。燈影暗窗前。

寄洪比玉

江上看花九載過。別來雙鬢近如何。青山獨對老將至。秋雨長吟病已多。久識客星明海甸。不辭宵夢涉風波。封書一寄淮陰道。爲折官梅與渡河。

孫自成

字物皆。號介菴。江都人。順治乙酉舉人。丁亥進士。任福建歸化縣知縣。時閩廣初平。邑中猶餘賊盜。介菴設法招徠之。七十餘寨。盡爲良民歸里。著賦役管窺一卷。

隋宮

禾黍高低大業宮。垂楊如畫碧陰籠。錦帆無復邀明月。玉樹依然唱晚風。瑩苑煙花塵夢短。雞臺歌舞霸

圖空傷心十里雷塘路。每到春來葬落紅。

平山堂讀歐蘇壁閒詞分韻

暢好竹西處。相將載酒行。鶯花雙槳住。煙月二分明。地以詞人勝。泉如太守清。壁閒題樂府。千載有新聲。聞說穿荷浦。飛觴六一堂。松聲消暑氣。嵐翠動秋光。蘇爲尋碑刷。林堪解帶量。清遊歸櫂晚。新月泛橫塘。

丁日乾

字謙龍。號漢公。泰州人。順治乙酉舉人。

書北固山舊讀書處

少年歌嘯春江外。今見蘆洲戰壘邊。鐵甕日殘嘶獵馬。金焦風勁下樓船。山中短榻禪燈在。橋外垂楊酒市遷。到此那能重寄想。眼中帆影入遙天。

陸舜

字元升。泰州人。順治甲午舉人。康熙甲辰進士。初任刑曹。多所平反。提學浙江。勤于教士。旋以疾乞歸。戊午舉鴻博。不赴。著有雙虹堂集。

瓜步

積水荒煙兩岸平。三竿落照似懸鉦。布帆帖處長空遠。沙鳥飛邊暮靄明。雲外沈山連海氣。風前吹角入潮聲。獨來徙倚江干樹。心跡翻從作客清。

劉欽鄰

字江屏。其先江西新昌人。曾祖讓。官兩淮運司。遷移籍儀徵。江屏中順治辛丑進士。康熙戊申。官廣西賓州縣。縣新定。百計撫綏。循聲日著。甲寅。孫延齡叛於桂林。其僞將以兵圍富川。江屏率親丁鄉勇。

力戰卻之。適有弁士內應者。引賊復至。城遂陷。被執至平樂。罵不風。送至桂林。守之以兵。賊欲汙以官。江屏怒誓攜其印。北向拜闕。南向拜闕。作絕命詩。乃自縊死。贈卹太僕寺少卿。廕一子。諡曰忠節。歸葬青山。

鍾山

荒原六代後，弓劍更堪愁。落日歌翁仲，秋風賽蔣侯。墓門碑伏路，輦道草成邱。縱有冬青在，年來幾樹留。

卓爾堪

字子任。一字鹿墟。江都人。爲明少司農敦之後人。嘗輯忠貞公忠節錄二卷。幼學聖劍。挽五石弓。年未二。乞師。既遭母喪。遂不復出。席門委巷。賦詩學古。與宣城梅定九。曲阜孔東塘。黃岡杜萊村。同郡張山來。鹿墟。蘭次。納交倡和。仲弟子厚。客死粵東。以其喪歸。以未舉子。遊吳越。納妾蔡難。文。蔡能詩。以詩聘之。鹿墟。于思大腹。壯遊四方。遂江荆衡。皆所遊歷。又曾航海數千里。經善陀達。萊觀海市。故其詩多雄奇慷慨之音。李。文。夤以爲兩漢三唐之作。著近青堂詩集四卷。其佳句。如宿紫陽。齊乘寺云。古殿鐘清。山鬼拜。危樓月滿。夜烏啼。江。送人詩云。繫馬歌嫌三疊少。戀人心覺一官輕。方園詩云。還烟村路白。多樹那城青。憶弟云。嶺高迢嶢雁。同。江。遠斷春潮。送梁五蔡云。鷺鷥思侶。獵虎拜書生。訪有濤和尙云。共尋前代寺。徧倚夕陽樓。送入見月云。同。看于里月。今夜二分明。李文襄公之芳。近青堂詩集序云。乙卯南征。閩逆。年家子卓子爾堪。捧八閩制府檄。謁。余于衢郡。爲右軍前鋒。余壯其書生而能爲濯夫。未幾有桃花嶺。常山。玉山。井壘潮源口。諸險之役。填。果。摧堅陷陣。身被數創。猶居士卒之先。惜未獲大用。而以母病乞歸。卓氏忠孝有本。自少司農敦。殉建文難。其。世家之忠孝節烈勿替。爾堪少孤。家中落。母老弟幼。身之所繫甚重。因不忍堅留。遂其所請而去。越十年。持。所著詩近青堂集政于余。格高法孤。家。中落。母老弟幼。身之所繫甚重。因不忍堅留。遂其所請而去。越十年。持。才不才人也。人能有奇特之才。則必有奇特之遇。爾堪之不遇。爲親也。絕裾而出。嚙指而還。孰劣孰優。晉。奇爾堪。正不遇也。國家優禮賢士。至於廢次。立一代之言。而播之清廟。亦如。立一代之功。而註之丹青。余正拭目而望爾堪也。世必不許其徒咏考槃而老矣。

從軍行

門外戒行李。門內辭高堂。恐傷阿母意。不敢更戎裝。阿母方進食。阿弟繞母牀。阿妹進肺脩。新婦捧壺觴。牀下從軍子。一拜淚千行。阿母投箸起。兒心沸如湯。佩兒湛盧劍。解兒芙蓉裳。爲兒從容言。從軍貴飛揚。生當書麟閣。死當爲國殤。

桃花嶺

萬壑排雲立。常關鳥道斜。銜枚趨夜月。拔幟入朝霞。斷盡村墟火。開殘戰壘花。飛來雙燕子。曾記有人家。

銅錢嶺

嶺疑九府鑄。天與障孤城。樹頂烽煙直。雲中笳吹清。憑虛張萬弩。畫地下連營。神武原無敵。襟喉莫浪爭。

還家吟

七年事沙場。戰士心力竭。組甲龍鱗殘。寶刀銛鋒缺。虯騰大宛馬。登涉四蹏折。苦戰不料生。生還轉鳴咽。歸家解征衣。猶帶戰時血。微功安足奇。詎在通侯列。有母誰尸饗。輕生賤膚髮。歸來啜秋菽。讀書娛晚節。

九日同吳蘭次杜茶村孫豹人家火傳伯平山堂登高

相期不醉莫歸去。秋至重陽晴最難。風雨每從今日到。江山肯負此回看。檻平遠岫同人倚。心繫南天一雁寒。

仲弟子厚
寄嶺表

更欲移尊松下坐。浮雲薄暮正漫漫。

寧羌將軍行贈高枚升

將軍淮南人。虎竹分西秦。西秦一路通巴蜀。孤城四面山爲鄰。五丁鑿開混沌氣。一夫當關萬夫畏。巖疆八載靖烽煙。武備不忘教擊刺。春深幕府日投壺。草白城南閒試騎。將軍較武秋打圍。超山紫燕凌空飛。彎弓射殺兩騰虎。父老轅門拜繡旗。割鮮饗士呼行酒。并州健兒請擊缶。歌罷筵前起舞刀。紛紛雪花落。

雙手停歌止舞。月照營後。幃秦女彈銀箏。絃繁柱促。調淒楚。無端彈出關山聲。高堂明鏡悲白髮。人間富貴鴻毛輕。將軍長揖軍吏哭。萬里歸家駕黃犢。五柳低垂元亮門。萬梅新築逋仙屋。梅花江南開不遲。雪中釀酒雙介眉。餘英吹落斑衣上。還憶軍中聞笛時。

招寶山

時戰船出洋。運寶則入都。

砥柱浮山出。東南入海遙。亂峯撐碧落。絕壑灌秋潮。氣肅蛟門見。風高蜃市消。幾年無壁壘。估客漸停橈。

普陀

南海今初到。荒涼亂後山。野猿吹佛火。水鳥傍禪關。樹以無樵長。僧從入定還。掃除須努力。勝境扼諸蠻。

行旅怨雪行

冒寒出門去。人各有所營。朔風翦斷垂天雪。雪花紛紛無日晴。馬沒鞍韉驢沒耳。驅車乘輪輪不行。行止兩不得。四顧客心驚。道傍柴門三尺大。雪封門。巡牆壁破。啟門竈無火。老嫗竈邊臥。今晨無食身凍僵。舉頭向客求衣裳。居人狼藉尙如此。道途安得辭風霜。

烏龍江

北出遼陽城。四野結黃霧。自古無人行。道里不知數。荒江浩浩流。鴻雁不能渡。長風捲大旗。古岸新立戍。暮春草木青。孟夏冰尙鋼。麋鹿白晝行。熊羆啼旦暮。聞見異生平。豈不懷親故。有夢亦迷離。難辨還家路。

生背故鄉人。死背故鄉墓。

戰士骨

巖疆多戰爭。精兵每四出。壁壘陳當年。猛士裹馬革。游魂不還家。日暮猶擊賊。可憐深閨人。萬里夢難得。一日聞班師。少婦重妝飾。載酒城邊橋。遠認旌旗色。朱匱題姓名。云是戰士骨。死者魂歸來。生者痛欲絕。昔日鴛鴦。今日失儔匹。生還既不能。全骸亦難必。檢點舊戰袍。血痕和淚拭。

碣石衛

嚴城沙岸峙。鼓角雜潮喧。一旅當天塹。羣峯衛海門。蜃樓春乍見。龍雨晝常昏。風景江南異。悲涼斷客魂。蓬萊閣休夏。

身與浮鷗同泛泛。殊方幽獨日徘徊。雲中飛閣斜陽在。海上歸帆急雨催。欲辨陰晴觀絕壑。頓忘憂樂是登臺。銜杯荷鋤何蕭散。阮籍終非曠達才。

穆陵關

隔越東西地。勞人度此間。千峯盤沃野。一嶺束雄關。疲馬穿雲下。飛鴉觸石還。遙遙春樹外。海日滿前山。上已孔東塘使君。招同吳蘭次。鄧孝威。費此度。李艾山。黃仙裳。宗定九。子發。查二瞻。蔣前民。閔賓連。王武徵。喬東湖。朱其恭。朱西柯。張諧石。楊爾公。吳彤本。趙念昔。王孚嘉。楚士。允文。閔義行。紅橋修禊。

結伴正逢修禊日。泛舟難得使君閒。廟堂有議還開海。賓客乘時得看山。三月鶯花紅雨外。幾家樓館綠楊間。笙歌更逐輕鷗去。徧采芳蘭水一灣。

題孔東塘使君送行圖

茱萸灣畔惜分離。勤勸金尊緩賦詩。舟子也知留戀意。好風吹浪打篷遲。

關山

壓嶺爲關氣勢雄。征人嶺上觸西風。無端雲氣生平地。何處車聲入半空。乍曉寒潭心更白。深秋烏柏頂先紅。當年戰馬南嘶日。聞說靈旗出梵宮。

葉縣別劉德柔湘南兼送之大梁

故鄉見面疎。他鄉共朝暮。同居廣陵城。出門各異路。犯雪走大梁。夷門在指顧。倘遇屠沽人。道余素所慕。

光山曉發

風起凍雲裂。紛紛入亂峯。單車千里道。荒寺一聲鐘。晴色怡人性。霜原辨獸蹤。興來思射虎。飛將幾時封。

靈隱寺訪碩公

青山常入夢。今日得重遊。曲澗流仍冷。青松老更幽。題名峯底石。沽酒寺邊樓。記得當年事。新詩出惠休。

凱歌

萬幕連雲片月高。琵琶一曲醉葡萄。夢中吹角疑催戰。雀躍牀頭躍寶刀。

揚州踢燈辭

柳巷新街燈月明。女郎聯臂踢燈行。莫言閨閣人輕出。如此風光是太平。

坐羅浮村。說東海海市。錢塘江湖。俞陳芳師言。黃交三。唐霞石。繆湘芷。卽席長歌相贈。賦此以答。
雙足繭兩鬢霜。不窮山谷卽滄浪。天涯道路何遑遑。錢塘潮東海市。逢人舌底波瀾起。未能造語狀神奇。
人嗔光怪不近理。安得羣公從遠遊。我將裸袖爲操舟。秋泛錢塘水。春臨東海頭。

由木瀆至光福

到此多幽境。東風送野航。村遙傳社鼓。市小接魚梁。竹塢朝煙翠。梅林春雪香。茅簷曾處士。誰爲發潛光。
曾青藜隱此。

鄧尉山探梅

未到心先憶。探梅此地幽。深林多轉折。半里一勾留。僧引雪中屐。人登水上樓。最宜明月照。疎影壓扁舟。

無題

按此乃在吳趨時詩。

鶯老花飛惜暮春。高槐常與乳鴉親。庭前亦長宜芳草。欲采誰爲紉佩人。

樊

樊字次白。號野漁。儀徵人。福祿時。父以事戍松花江。年三十。悲父不還。自淮渡河東。過萊州。至蓬萊渡海。經沙門壘磯諸島。抵皮所。卒同父南歸。時人以孝子稱之。晚年。又歷游山西江西湖北諸省。沒年八十。

五·所爲詩不假修飾·卓然成家·康熙乙酉·勸
出塞吟一卷·野漁小稿一卷·總稱師善堂稿·

舟次棠湖

舟行六七日·今始過棠湖·遊子情何託·思親淚欲枯·
卷書欹枕讀·村酒待魚沽·明發懷長道·風塵又載驅·

登膠州城樓

何地可銷憂·來登百尺樓·連宵得鄉夢·一月滯膠州·
竹樹好休夏·雲峯欲變秋·何時罷行役·江上問漁舟·

月夜登泓磯

羈人中夜起·荒島約三更·不辨海天色·唯聽風浪聲·
月移青壁斷·人上翠微平·太息無知己·相於共此情·

廟島阻風

即沙門島

茅屋炊煙起·雞鳴海寺秋·雲霞留遠客·風雨滯行舟·
慰寂宜酤酒·銷憂數上樓·敢言行旅倦·青海尚悠悠·

渡海

身世如萍泛·渾疑在半空·片時凌絕島·萬里託孤篷·
日月鴻濛外·蜉蝣沆瀣中·孤煙生大漠·遙指是遼東·

離親所三舍老父遣二弟來迎

書到親顏喜·迎兒遣弟來·道傍趨問訊·下馬各悲哀·
共話前山晚·相持竝轡回·來朝當此候·准擬拂塵埃·

晚次松花江上拜見家人聊述問答

生年六十許。一半異鄉過。親舊今何狀。田園尙幾多。常因念子切。每苦寄書謬。吾老猶強健。扶持早渡河。
晚次松花江上卽老父戌所

今夕相逢預有期。穹廬倚望已多時。一聲鶯築千山晚。萬里塵沙匹馬遲。意外悲歡今日事。夢中離別昔年思。兒童未省來時貌。但見龐眉兩鬢絲。

遂妹垆白華從軍之黑龍江時余亦將西歸

落月下前楹。披衣起送行。關山輕遠別。十七早從征。北望寒天迴。西歸雪路平。乘時須努力。吾亦事功名。
別時承馬遵乾先生屬朱公介菴偕余奉父同行歸途雖不落莫而庶母及諸弟妹依依不忍分手此時真難爲情也。

別酒才傾淚又揮。尋思相見此生稀。贈言骨肉皆羅拜。忍泣慈親更檢衣。萬里關山欣有伴。長途父子幸相依。同行幾輩淪亡盡。若個鄉閭白首歸。

寒夜

宵長篝燈坐。夜靜如太古。酒力已全消。城頭響譙鼓。悲風撼古木。寒威逼深戶。倚枕不成眠。臥聽瀟瀟雨。
得舍弟消息

弟在寧古塔。諸妹兩在黑龍江。一在瀋陽。

有弟在遠方。十年無一字。未能任耕鑿。衣食從誰寄。有妹隨良人。辛勤戍邊地。迤北三千里。朔雪窮陰闕。

骨肉盡參商。相逢良不易。容自海中來。而染蛟蜃氣。始獲數行書。驚喜從天至。楮短意不盡。言言少倫次。終年不得書。書到翻顛顚。清淚落千行。不爲聞猿墜。

秋塞

大漠黃雲合。驚風走鬪骸。閨人勞遠夢。戰士重防秋。寒雁過沙磧。斜陽上戍樓。時平不忘武。較獵海西頭。

夕坐然犀亭

然犀亦偶然。舊事至今傳。松與亭爭古。沙隨月共圓。空江奔晚汝。萬井聚寒煙。一坐眞寥廓。鐘聲出塢邊。

八十自壽

朝來心自喜。八十世難逢。緩步不須杖。重聽未是聾。看花寧負約。招飲亦相從。飽飯攤書坐。宜稱無事翁。

江樓月夜聞笛

楓落江聲秋可憐。晚山迢遞沒寒煙。高樓獨夜聞吹笛。有客含愁不肯眠。風亂荻花秋瑟瑟。斗橫銀漢夜娟娟。曲終不起潛虬臥。江水無聲月在天。

樊

經 字 耕山。江都人。

琴水曉發

披衣清曉望。風景似嘉州。山勢層層密。灘聲細細流。孤帆穿亂石。微雨集羣鷗。愁煞孤舟客。年年賦遠遊。

厲士貞

字烈士·儀徵人·順治乙酉舉人·康熙庚戌進士·著有舟南錄二卷·

野望

綠暗蟬鳴苦·連村更幾家·牛羊眠屋角·鷗鷺浴溪沙·兩岸桑麻密·扁舟風露賒·閒來看紅蓼·獨著水邊花·

西湖

涼波一碧靜湖天·許我秋來泛畫船·三竺鐘聲敲溼翠·六橋疎柳帶寒煙·舟牽菱葉人歸浦·鼠嚼松花影落泉·惆悵夕陽歸櫂處·水心亭上見嬋娟·

劉瑞

字輯五·號南塘·儀徵人·康熙庚子副榜·任署江縣教諭·吳越名區·遊覽幾徧·著有白下·吳門·越中·偶吟三卷·俱未見·唯西湖紀遊絕句一卷存·

斷橋

紅杏香中人影亂·綠楊深處馬蹄驕·幾年踏徧錢塘路·腸斷春風是此橋·

湖上

春波載得滿湖船·齊向蘇隄鬪管絃·誰識石函橋下水·鄴侯心事在荒年·

王誥

字楚士·江都人·康熙庚午舉人·丁丑進士·官司經局洗馬·

宿黃汶

驅馬入村市·人家煙井稠·暮雲昏遠戍·宿雁下寒洲·野酌無兼味·狂歌不散愁·更闌人睡起·霜月冷橋頭·

和吳蘭次湖居韻

岸上牽船與不孤。君自題其居曰岸桴。青山望似米家圖。半犂春雨驅黃犢。一夜東風長綠蒲。筇杖扶花尋野寺。竹

弓射鴨蕩晴湖。何妨老去情懷勝。雅有風光稱白鬚。

俞 珪字十穀。江都人。汪蛟門稱其誠樸孝友。文章品詣。與弟揚發齊名。年三十而歿。時順治壬辰。其子繼善。錄遺稿爲凝暉堂詩集一卷。文集一卷。

題魏子號讀書碧雲僧舍即天寧寺杏園。

何以詠閒閒。攤書半掩關。雖邨未遠郭。多樹卽成山。覓句疎林下。譚禪溼翠間。人來不知逕。數問杏花灣。

有懷

相逢日少別時多。千里瀟湘望碧波。我在花茵讀書處。知君夢我更如何。

徐石麟字又陵。江都歲貢生。居北湖黃莊橋。博通經史。與宗親吳綺。爲詩文交。尤精詞曲。出入白仁甫關漢卿之遺矣。所著有蠅亭雜訂十卷。鹽天暇筆十卷。鹽天陵筆二十卷。又鹽天四筆十卷。皆考訂經史之書。又著古今青白眼三卷。則輯錄子史說部中。評隲人品之稱。訂正詞韻六卷。轉注辯二卷。談驢窟四卷。枕函待問編四卷。坦菴瑣錄四卷。詩餘定譜十卷。三憶草詩集四卷。鹽吟四卷。飄聲四卷。添香集三卷。且謠一卷。郡縣志書一篇。載其趨庭述訓四卷。天人升降圖說一卷。以今考之。趨庭述訓。乃錄其父之言。升降圖說。則坦菴瑣錄中之一篇也。

壯遊

自惜身微賤。關河許壯遊。青雲萬里志。白髮幾年愁。路仄驚疲馬。霜寒失敝裘。封侯時入夢。慷慨看吳鉤。

同焦載歌登燕子磯載歌·名從泰·江都諸生·誦首窮經·於毛詩最深·著有濟園詩義·甥宮友鹿·嘗從之學文·

未晚催舟泊。尋山久不回。五雲隨罅出。萬石倚天栽。樹色迷衣袖。江聲入酒杯。六朝遺蹟在。倦眼幾回開。

村居

無求能遠世。得意在林深。養病容高眼。論文絕市心。閒從好鳥出。多爲惜花吟。何處聞山響。松風到素琴。

途中作

蕭森秋已暮。行李自西東。日落遠山外。雁來新雨中。僕驚留磧水。馬噓帶煙風。莫下阮生淚。長途豈易窮。

山閒逢老人閒話

選勝入山去。山幽多隱蹤。留雲一片石。垂壁幾株松。風定鶴遺磔。巖空鹿養茸。山翁靜無事。爲我說周容。

卜居

近來卜築兩湖間。不買園亭只買閒。無限垂楊常屋密。有情流水到門灣。白移竹下觀書日。青看林邊拄杖山。好客若能來共詠。清檣何事不開顏。

黃

又字燕思·號硯旅·江都人·好遊覽·足跡徧天下·晚年官雲南趙州知州·卒於官·所著有自疏草一卷·

舟中

浴硯澄江散旅愁。春風書劍一扁舟。梅花萬樹白於雪。明月半絃清似秋。富貴難從詩卷覓。飄零判向酒

杯休揚州回首三千里。聊借征途作臥遊。

江口

一片孤城萬頃波。春風鼓角靜鼉鼉。樓船十載無爭戰。雨積牙檣長綠羅。

博羅縣

姚娘廟前江水流。蒲蘆山外紫泥州。秋風萬點鳧鷖動。一片輕帆下廣州。

懷歸

雪裏辭家萬里餘。天涯風露又冬初。愁多屢貰新篘酒。鄉遠頻開舊寄書。七尺寒衾霜氣入。半輪殘月夜窗虛。遙聞澤國逢飢饉。八口時時盼客車。

梁藥亭太史以六律送游羅浮作羅浮歌答之

春風鼓棹羅浮客。慇懃贈我羅浮詩。奇峯四百三十二。一一杖藜隨所之。石樓軒敞鐵橋底。峭拔嶙峋高莫比。更向飛雲最上頭。下瞰塵寰三萬里。耳根恍忽聞天雞。玉花瑤紳侵人衣。白雲萬頃起林麓。罡風吹作波濤飛。俯看五嶺小如指。東南一勺滄溟水。龍飛鳳舞紛踰躡。縹緲煙霞萬峯紫。玉鸞鼓翼蓬萊宮。麻姑壇上春融融。憑虛玉女悄然立。風鬟霧鬢驂游龍。老人駘背倚空碧。下視峩峩五千尺。廣寒失卻金蝦蟇。塊然化作山頭石。朱明洞口仙人家。紫雲紅玉青蓮花。流梳池上滴紅翠。藥爐擁護生丹砂。洗耳泉通

石門路。石梁橫絕迷煙樹。古洞縈紆廣莫菴。騎牛人去歸何處。梅花村。賣酒田。杖頭攜得青銅錢。會須爛漫成一醉。參橫月落花間眠。洞中蝴蝶大於手。尋巢覓繭村氓走。三疊霓裳不可聞。蛻化遺衣今是否。拾得幽林竹葉符。龍章鳥篆何人書。山川靈怪到艸木。神仙狡獪何時無。水簾碧玉凌丹壑。夜半鐘聲雲外落。八仙石畔抱雲眠。山鳥一聲清夢覺。我來十日山中游。探奇索隱恣所求。憑高陟險勞雙足。眺遠臨深低九州。讀君羅浮詩。更作羅浮歌。他年白日騎鸞鶴。還向羅浮頂上過。

別羅浮

十日山中絕見聞。還將山霧洗塵氛。杖頭攜得仙蝴蝶。飛作人間五色雲。

梁嘉稷

字五黎。號瀟陵山人。江都人。居北湖之梁家菴。祖于渙。爲明末忠臣。嘉稷隨其父兄。隱居鄉里。不事生業。遊草二卷。摘句如鐵索橋云。馬從石罅蛇行上。人似雲端蠅附來。拜武侯祠云。何處一坯留漢土。尙餘八陣在人間。龍泉菴云。燕子集空秋社近。鷓鴣花映晚霞開。再送黃涵齋云。嶺嶺樹連西日黯。關河秋盡北風尖。皆可誦。

姜青裴將軍招同大理赴任留別同鄉諸子

爲別交親跨玉驄。卻攜書劍入滇中。武皇地軸西南大。丞相天威遠近同。會見送人常作郡。豈知垂老學從戎。他時君輩如相憶。一片蠻雲樹萬叢。

舟中五日

長千留滯達昏晨。綠艾青蒲應候新。四序又看逢五日。百年今已過三春。尊前勸酒皆行客。天末同舟是

故人滾滾蒼波東下急。鄉心直到廣陵津。

橫港太白書院

供奉專祠碧巘高。仙人曾此領風騷。千年天寶悲流水。萬古山靈護彩毫。光焰文章懸斗極。飄零杯酒入江濤。有時月下吟魂出。縹緲雲霞見錦袍。

小孤山

楚江一柱小孤山。四面孤懸不可攀。動地驚飈逢石轉。拍天奔浪觸崖還。望中神女空遺廟。住處枯僧合閉關。終古潺湲常在耳。此心空洞水雲間。

蒼山見月寄韓醉白

穀雨晴時遠別君。蒼山見月帶寒雲。相看永夜惟孤影。何處揚州獨二分。曾飲離筵難對酒。自違詞客不論文。南來只有黃江夏。冷宦羈人日與羣。君才如此早歸田。我復南遊洱海邊。萬里山多人隔世。九秋霜落月橫天。時聞嘯鵠來從蜀。幾見飛鴻遠到滇。遙憶東軒高會夜。掀髯狂叫一樽前。

長夏雨中書懷

滇南西去異中州。三伏依然擁敝裘。石上雲生常帶雨。林端風起便成秋。音書不見來黃耳。霜雪頻驚上

白頭縱便燕山銘可勒。書生無分望封侯。

仲冬月夜

蒼山月出太高寒。極目青霄帶淚看。世上離人長夜苦。冬來天氣久晴難。冰霜滿地無行跡。關塞連雲絕羽翰。木葉亂飛烏鵲起。空庭百徧繞闌干。

飛雲巖和壁間韻

偏橋。衛石橋之左。爲黔省山川絕勝處。

飛雲巖在青山腹。曲磴行迴百八盤。亂石千峯垂檻外。半天孤日隱林端。苔衣迸落穿階水。松蓋高懸說法壇。頭白老僧偏愛靜。禪牀移向斷崖安。

魏嘉琬

字室中。先世山曲陽遷宛平。元時始爲瓜州鎮人。生於康熙辛亥。秀慧獨出。讀書過目成誦。丙子舉鄉試第十九人。再會試未第。其文波瀾灑灑。頃刻百變。李甲新忌。雕畫奇采。書法精整。極似王雅宜。何義門序其詩。以爲馳騁韓門。兼采六代之體。以丁外艱。哀

毀嘔血致疾卒。時年三十三。有咀蔗居詩集八卷。

贈喬蔚然鶴羣讀書南村

南山氣佳哉。葱鬱發蒼瘦。煙霧盈青濛。出入在懷袖。有流枕其清。有石漱其皺。前軒盤孤松。後山飛禿鶯。好風蕩春裾。滿月破庭廡。花香衣一圍。鳥奏譜千味。池光漾簪鏡。雨意潑噴岫。蔓蔓牽柵柵。疊疊挂瓜豆。遠水截廚筒。宿齒浸蒿酎。拋卷眠風櫺。抱膝默虛晝。初蟬冥露樹。溼螢照欄甃。夜氣接清息。空襟謝雜糅。曠然飛所思。萬幻出精寶。九天或非亢。九奮或非伏。一日千里縣。無以窺兆繇。久乃發其藏。罕獲評所構。

間架神翕闢。工斧鬼雕鏤。審翫振清新。舉曲盡稟秀。宣鏞見鐘簴。捫飢疑篆籀。脫落若無字。窪稜似生瘻。迺其結撰處。良非世所造。經史恣敷獵。子籍羅蒐狩。辨必尋根源。事則討究竟。搖毫忽壓唾。結語羞釘釘。梯梁或不設。虛空藉已就。攀迭奇生孫。追舞翻困狖。巨靈已雷碎。天門尙龍鬪。轉陡遇平逕。入坳得幽覆。如藍一水瀉。落碧千峯收。中間際聲牙。淺者失句讀。往往抵地罵。番番掩鼻走。擇摘三兩字。徧傳百口嘯。此事會真賞。勿與解狂詬。我生求友朋。何意獲親姤。角藝自總丱。隨肩每聯袂。登盤卽蝦菜。著筯聊熬糗。溪橋戲新涼。竹窗聽短漏。時一作曼聲。哀歌來輻輳。若無三日別。已得十束候。歡魂或夢呼。好句急晨扣。爲言南山幽。足以快攬驟。几案亦復佳。飲噉或不謬。小憤良健足。長鬚特遺奏。蕩然驅塵懷。翩爾一止觀。人生相得幾。況乃速天壽。我有畫短辭。與君常宿留。

夜泛紅橋

料理漁竿短袖擎。西風湖上不勝情。荷花十里香無路。月下扁舟月上行。

惠山用舊韻三首

曉弄鴨頭水。聲沸風蒼蒼。帶溼入惠山。雨氣吹欄堂。飛雲一壺中。下見孤鳥翔。豈知松石外。別有玲瓏光。巖然外塵際。梅檀來清香。壁語愛蕭姿。再讀何能忘。

往者蘇與秦。并是不羈人。翻走山水窟。破力追清新。天風振遙唾。吹彼潭中鱗。攜來參寥子。寒衲埋山塵。

懷古慕隱居。同唱高秋晏。傷哉後遊者。誰與僊蹤鄰。
琴筑何年音。斷續發莽樾。石龍迷口根。寒源釀清絕。乳香滴巖巖。衆瀉一掃滅。挹酌炊山枝。紫餅潑團月。
俗喊應莫齊。澹與幽人發。此中隔區寰。足以延臥轍。

長清道中晚步

長清雲出谷。晚景濃纖含。風巖落遠瀉。入坳如重甃。紅霞格深麓。斜遠孤峯嵐。寒條蔽鴉陳。市噪何枝堪。
舉舉征途子。一駐黃埃驂。微憩更起步。山脅潛一卷。紙燈垂鏡盥。入門照瞿曇。中關尋丈臺。夾道紛杉楠。
婆陀迴餘光。坐聽鐘磬鐺。恍洗百塵慮。貯我冰雪潭。道長艱一好。行旅心如憐。疲骨支危轡。楚聲何咄咄。
有如萬鈞弩。直令雙肩擔。前日初過蒙。昨夕更宿鄴。數程不過半。客味良已耽。所愁狂風沙。何獨惡飲饌。
今夕足微歇。月鏡開新雨。飽餉飮餐飯。麤糲亦已甘。大肉與硬餅。奴僕尤恣婪。秫釀且冰烈。稍啜無流貪。
空山逸遠夢。褰褊聊駒酣。如何動銜櫓。曉風生薺薺。星高四方白。寒氣侵秋鐔。馬尾刷蕭梢。杲日開山南。
還將塵上跡。飛飛逐鵲鶴。

吳豹文同年招集存園次儲同人先生韻四首

季子秋風客。幽園二里橋。野人承折簡。騎馬得今朝。稻雨微開日。唐陂漫決潮。入門驚屐齒。深翠欲侵簷。
菰蒲隔煙水。到眼盡空明。石滴流雲潤。人吟墮葉清。鉏犂經指點。魚鳥狎逢迎。竹散城烏影。僂開海樹聲。

閒中甫謝病。勝日一登樓。近隔雙星夜。知懸幾葉秋。酒容欺落日。歌調起潛條。冉冉看歸鳥。林藁薄晚秋。
簞藁紛相繚。盤陂亞欲參。淡煙籠早桂。整服上疏嵐。障面憐腰扇。分香到竹簾。歸塗仍試馬。涼月落甍甍。
中秋吳江張宏遵太史。招同喬無功舍人。汪民長。喬鶴羣。沈鳳翼。鮑又昭。郭于宮諸子。集杏園寓齋。
分賦白露。空素月流天。得白字。

芳茵蹇長離。清景落寒碧。翩然浮窪樽。對此秋風客。縹緲神仙資。遐瞻起岸幘。鴛論凌歐陽。史才俱重疊。
力破千古蒙。有如奏刀割。蒼華離繼韞。追攀失行跡。聊伍帳下兒。敢接子布席。醉語恍衆驚。檣飲尙堪百。
涼颼吹衣來。空亭下露白。繁燈競河塘。歌鼓未狼藉。無月亦武丘。平山沉咫尺。夜黑呼歌船。先生山水癖。
陳生少年射雉歌

野雉飛飛煙簌簌。雕竿三尺削紫竹。犀弮風鳴月墮腰。繡襦寶勒旋裝束。猿臂雙開挽玉龍。一雙錦翼貫
金鏃。連錢四蹄捷若飛。紫燕掠開春艸綠。短裘窄袖驕春風。一片落花衣上撲。興酣自唱歸去來。馬上分
心戀紅燭。

追和江風山月亭

亭爲瓜洲熊氏別墅。元至治中。翰林承旨脫離張翥爲詩。相傳爲松雪道人書。今失之矣。詩載脫離集中。并郡志。熊之裔孫偉男。不忘先蹟。屬同人和之。

一髮青天失萬艘。危樓獨倚峭風高。隔雲飛錦入寒月。對海彈絃清夜濤。集響空多宜嘯癖。能吟老去尙
詩豪。祇今避暑名園地。自對秋容醉濁醪。

大雪亘十九日夜苦寒病中用昌黎韻

我興不及晨。四望羣愁兼。天低急寒吹。短景奔飛廉。拳曲縮雙肘。拱竦如撝謙。銀海眩千丈。觸耀同畏尖。病齒嚼氈毛。那復能苦甜。罽風剽冰骨。酸切猶鍼砭。朝埋日中鳥。夜死月中蟾。攢冤塚凍塊。萬垤難窮覘。祝融自告休。不令秉畀炎。熇陽卽內伏。呵氣徒濡沾。莫知鰓膚在。螫脅疑腰鎌。數時盡兩九。罷折不可拈。涇斃半鷺鳴。閉呬口在箝。廐馬失寒鳴。蹄跡如槌籤。小止間更作。先積儼尤添。糝糝重墮籠。萬象蒙縹緲。寒蛟豈可矚。古穴深藏潛。玉龍峭飛墜。垂垂紛長髯。剛風碎百鳥。天意詎欲殲。幽人鬪奇句。好事窮靡纖。而我抱耿寒。與物良已淹。有類簷僵鵲。不及登庖燂。黃雲覆大野。晴課誰能占。華堂良作瑞。茅屋殊增嫌。衣被澀冰裂。入夜愁眠苦。吁戲室憂集。忡心胡時恬。但令悲歲往。拊臆淚漸漸。羸影貼壁火。函鏡驚模瞻。破帽印空霏。大撒匪擬鹽。誰能細斟酌。與底多忤愴。寒灰手撥爇。坐歎徒褰簾。卓背望盾日。襖眩辜前簷。堆霰及微杲。融處終淋黏。寒鴻在江汜。所戀聊蘆葦。我錐雖壁立。亦復深帷褰。四序會有此。我衷無終厭。

奉懷熊大丈偉男先生

陸處舟居仍水屋。閉門卻掃近何如。人呼龐蘊爲居士。額榜邵菴有道書。常聽擊音知海定。莫教拄杖與春疎。吟成愛倚檐花笑。綠雪盈軒茗熟餘。

汎舟觀荷二十韻答同年社集

鑿水沿湖曲。擊音款野空。馬嘶看櫂亂。舟劃見葑葑。淖擬埋盆作。漬猶涌桔重。規瀛宜奧衍。入鏡始迷濛。罌布疏亭苗。汀陰小菖蘘。魚兒上扇影。禽子側檣風。負曝龜浮蓋。翻波鶴沒鑿。珠珠跳水白。面面覓雲紅。幽拂襟掀處。清含石漱中。是花常有主。汲骨想非工。貼地金如糝。搖泉玉有淙。鷓鴣諳采曲。殿腳憶游鱗。澠露裙猶溼。聞香路杳通。蛙田歌入部。象鼻酒傾筒。撈便牽牀趁。煙消著月籠。雨吟無鳥叟。池曾得山公。人面有如此。秋葭孰爲容。常筵斥瓦奏。過目失萍逢。半展紅燈近。深愁白曉窮。琵琶有江調。妙撥試催馮。

汪士裕

字左巖。江都人。康熙癸卯舉人。官太湖教諭。除服。補沛縣教諭。又移廬江。與同族。叔定。蛟門。舟次。及吳昌次諸人相倡和。所著有適園詩鈔二卷。

哭黃五兄文中

別君薊門去。君病不能起。墮淚呼余言。交情今已矣。聞言心悽愴。出戶行復止。我今復來歸。叔度身已死。清琴爲誰彈。遺絨不忍視。寧獨悲離羣。傷心在知己。

送王西樵先生歸山東分得白字限十韻

夫子何清真。耽志在泉石。甘與漁樵人。放歌情共適。出門隨所之。偶爲廣陵客。秋柳已蕭蕭。蟲聲夜相迫。感茲景物遷。憫令鄉思劇。斗酒告朋好。離羣在今夕。涼風颯然來。殘荷香古陌。歸興不可留。臨歧殊脈脈。馬首迎來雁。落日隱孤驛。佇看過隋隄。蘆花秋水白。

送家舟次之龍岡

聞說龍岡去，應從甓社行。天空湖水闊，風細野航輕。此別無多日，相依忽五更。生平遊覽地，吾最憶孟城。

晚泊富陽

片月桐江冷，南遊已暮冬。人烟迷古渡，燈火暗前峯。濁酒荒村覓，鄉鄰客路逢。今宵歸思切，愁聽富陽鐘。

長清道中

曉日長清道，山山共翠微。懸崖通梵寺，落月對柴扉。村犬上橋吠，谿禽貼水飛。杏花開滿路，有意送人歸。

真州雜詩同蛟門舟中作

真州風景異，城市卽江鄉。近水籬偏短，平疇麥漸黃。田家足鷺鷥，鄰女各蠶桑。散步微風裏，薔薇處處香。

極目臨高閣，銜杯對夕曛。樵歌原上返，山色席前分。深柳啼孤鳥，空江影片雲。波濤聲浩浩，醉裏不堪聞。

字慧嘉，江都人。侍御□□康熙戊午舉人。官刑部主事。家有休園。與郡人吳窗次、宗鶴間等，爲文酒會。一時稱盛。著有含英閣花燠草八卷。

語石聯句分得階字

散步巡花砌，當軒異石排。涼風生北牖，明月映東階。飲藉清談洽，詩逢險韻佳。竹西歌吹沸，雅集讓吾儕。

讀先大人諫草

先大人入選六月，疏凡十上，以趙朝督寒，卒於官。所遺諫草，太史黃忍菴先生，序而梓之，迄今披讀之餘，淚濕紙上，漫述數言，以寫余哀焉。

我生何不辰，少小卽廬墓。襁褓失先慈，終身悲孺慕。吾父早立朝，誦習鄙章句。入讀中祕書，出練當世務。今上首臨軒，臺班欽簡註。兩朝荷主知，抗疏無回護。報國在親賢，安民先去蠹。直糾加派私，閭里除苛賦。

籲俊廣掄材。士林氣爲吐。樞關清吏胥。商賈羣爭渡。薦舉別有無。激揚澄仕路。鳳米願從損。兵民息輓輸。非刑有冤民。釐革沾雨露。折獄辨無辜。哀矜釋疑誤。京畿多刁頑。巡視嚴誣訴。游手皆斂跡。豪強各惶怖。蒞任六月餘。羣黎爭歡呼。淋漓媿宣公。愷切同賈傅。四海想仁風。八方祈甘澍。豈知未踰年。哀哉天不祚。總帳返維揚。士民羣致賻。焚香奉主行。文廟賢祠祔。轉盼十五秋。隙駒不可駐。先型雖已遙。舊業期無斁。諫草餘殘編。直節儼重遇。蘭臺百尺高。柏府千尋樹。後裔嗣前徽。將無失故步。

王令樹

字桐孫。泰興人。康熙己未進士。官四川富順縣令。政成擢禮部主客司主事。歷官侍御。所著有映日堂詩六卷。

江淮歲修戰艦。每封青樹。以資板料。里人苦累久矣。宋使君獨捐清俸。購買他所。德莫大焉。賦紀其事。

江有戰艦。曰沙曰唬。歲久則修之。府牒下如雨。

亦有歲修錢。庀材苦不足。爰集斧斤來。伐我江頭木。

江頭木幾何。禍茲邱壠樹。幽魂不得語。子孫不敢怒。

或訴之官。曰有成例。胥與役與。因之爲利。

誰實階此。爲木之妖。豈無鵲與鶴。不敢營其巢。

居人是依。行人是憩。譽彼嘉樹。使君之惠。

使君爲誰。厥維商孫。願無翦代。庇我後昆。

黃沙驛

官檄催何急。山程度更遙。亂流爭短筏。仄木架長橋。邊徼牛形怪。牛背特出兩肉。如駝駝狀。昏林虎氣驕。行人魂欲斷。巖半語鴟鴞。

黃牛峽舟中月夜作

萬山朝白帝。一水下黃牛。不識啼猿意。何如旅客愁。風流誰屈宋。談笑有孫劉。爲謝江頭月。多情照去舟。

秋懷

一官況味已蕭疎。幾夕新涼又旅居。敢比昔賢門有雀。每同下客食無魚。鼠飢苦覓空瓶粟。蠹飽猶殘敝。麗書隱几怪來蜩蝶夢。西風吹不到華胥。

王新銘

字鴻父。號潛夫。秦興人。桐孫侍御之子。由河工起家。官東平州知州。所著潛夫詩鈔八卷。百花吟一卷。

持螯歌

青女玉腰飛娑娑。霜天亥日招潮多。山家愛此風味美。垂涎試作持螯歌。當歌放筆苦促數。爾雅不熟奈若何。側聞蟹者介蟲屬。穴洳食葑時有毒。解甲易跪腹稻芒。含黃斫雪登旨畜。蠕蠕食指纔告動。郭索忽然入我夢。環拜階下似有言。嚙沫引聲時一控。自出草泥鄉。執穗以朝王。介士外多足。公子中無腸。族類

十有二湖海永相望。曾濟波斯厄。亦告道鄉祥。頗有象物智。人世爭比力。湯以候吾眼。琴以譜吾行。畫以寫吾爪。結以盛吾筐。夫何象列三辰次。而乃身遭五鼎烹。君不聞宋皇當日事。舉箸不下旋投置。又不聞坡仙逢餉饋。不以口腹傷生類。主人聞言顰然哈。天生爾曹供吾饌。弱肉強食古如此。矧爾蠡物非雄才。爾行翻桀步。蚬曾不能赴。爾名號擁劍。鼠曾不能捕。但令喙稻種不移。嗷嗷下民將何哺。若不永勅充庖廚。橫行恐復逃江湖。玉鴉又下呼青蚨。急遣髯奴上市沽。黑投雙螯湯沸錢。紅登一背膏溢盂。芼以蕪芽沃苦酒。還招麴生來坐偶。左手持螯真得意。蒲桃滿酌頽然醉。興酣自和逋仙詩。不然更付門生議。

桑

字楚執。號尊鄉。江都人。康熙丙寅歲貢生。工書畫。著述。著。著有編年詩存四十卷。夕集二十卷。廣陵紀事四卷。

四月卽事

日長風細總相宜。正是淮南四月時。新茗如槍開蟹眼。含桃作彈打鶯兒。池塘畫槳翻荷葉。簾幙銀箏唱竹枝。無限含情非中酒。不禁雙臂輓於絲。

陳秉樞

字叔位。興化人。忠宣公之後。著有借雲堂集。

過洛陽橋謁蔡公祠

七十二門下。寒潮日夕奔。人功愁海若。鬼斧鑿山根。石壘蟬房屋。沙翻郭索墩。獨慚題柱者。車馬傍人喧。繆

字潯南。號湘芷。泰州人。康熙己丑進士第三。入樞翰林院編修。五十一年。充江蘇同考官。五十四年。召試黃清宮。列一等。五十六年。視學湖廣。旋擢給事中。雍正元年。奉命采輯江西。得米六萬一千石。以飛

再拜阿母旁。泣血浼顏色。

出門何所之。惘惘別里門。長號感行路。天地爲之昏。日則望雲馳。夜則戴星奔。飛蓬轉天末。何處尋本根。出門無所之。竄身落山椒。望見田橫島。悲風何蕭蕭。海水爲不流。嗚咽疑寒潮。屏營巖壑間。僵臥荒祠外。精誠動木石。魂魄交冥昧。開門揖老叟。夢中與神會。設食見指南。忘味任粗糲。常歸乃隱語。不聞附子喻。

逕還入東南。山澤形神枯。黃沙蝕顏面。瘡痍生肌膚。何期帶山下。惘然逢精廬。佛香飄院落。有客蒼髯鬚。詢知舊鄉里。驚喜立坐隅。尋聲如識面。精神相感孚。父子抱持哭。淚落千闔黎。

慇懃勸還鄉。縑林戒行李。入門見老妻。毀顏已暮齒。新婦潔盤餐。爲翁具甘旨。至行格天地。和氣洽庭宇。高僧遣知幾。子孫徧朱紫。至今道旁人。齊歌王孝子。

和陶靖節飲酒義農去我久一首韻

末造方任運。達人思葆真。抗志慕皇古。惟以返吾淳。六經正燦設。光景日常新。俗學尙虛無。咎不在贏秦。禮樂若桎梏。典籍同埃塵。卓哉柴桑叟。述古何慇懃。途遠輟自合。跡異神彌親。昭然揭大義。爲世通迷津。獨立魏晉中。岸然古冠巾。飲酒乃寓言。所念義皇人。

清響園夜坐

綠雪覆層臺。燈光散瑣屑。風簾嚙暮鷺。暗影露明玦。春愁學杜鵑。深春啼碧血。漏永怯衣單。銜杯翻凜冽。繁星燦於螢。琉璃淡於雪。相逢賦玉筍。不用誇金埒。詩奏無絃琴。餘音渺難輟。

六境圖

六境圖。爲商邱公生平宜遊之地。其詳見公集中。烏目山人王龍繪圖紀勝。庚辰冬日。謁公於揚州官舍。出圖相示。謹和六章。

洗墨池

髯公在黃州。五年謝朝請。閒客閒處所。渴毫日馳騁。

坡詩人言。此閒客宜置閒處所。

洗墨雲滿池。元液沾藻荇。科斗食餘

香。吐篆色猶靛。

池駐食。口黑。戴公筠廊雜記。

如何遺跡湮。蕪穢同智井。偉人初判郡。晏坐樂清景。訪古坡里坊。鑿池可

容艇。獨木駕爲橋。披拂淪漣影。雪堂既幽敞。竹樓亦高整。後檻羅簡編。前庭植文杏。風流溯髯公。勝事一

口省。舊遊曾幾時。卅年彈指頃。

忘歸巖

虔州山水邦。所至足登眺。千峰儼玉梁。一水如珠抱。茲巖尤瑰奇。岡形莽奔峭。神工巧爐鑪。造化蓄靈奧。得名訝何年。創自姚江老。凭高豁遠目。雙江流浩浩。憶公弭節時。詩題上煙嶠。振策塵外游。洞壑窮搜討。飛觴偕隱君。僧伽爲前導。彭處士躬能。魏處士叔子。落葉滿衣裙。雲深不可掃。尋寺與石山。乘興從吾好。酌酒弔陽明。後先實同調。螺亭一點青。城郭煙嵐繞。披圖我忘歸。臥遊領其妙。

潞亭

東華十丈塵。蹴踏跪我衣。閒來洛河上。洗眼見釣磯。風橋雁齒列。撾鼓當斜暉。憶公柱笏來。觀察臨近畿。訪古尋小亭。嘯詠都忘歸。鷗鷺繞檻前。撫景且息機。高吟醒夢寐。振筆紛珠璣。四圍雪色壁。深夜彈朱徽。喧囂忽夷曠。令人思翠微。森森鮑邱水。寒碧遙相依。盤山在東郊。悵望雲樹稀。晴翠落檐際。對之色欲飛。至今通潞津。突兀留清輝。

鵲華秋色堂

鵲華好山色。縹緲梳雲鬢。合沓雪氣繞。碧玉相縈環。正如兩美人。對照蛾眉彎。吳興有圖書。妙手追荆關。壁窠顏中堂。秋色紛燐燐。放衙紫翠曉。捲簾紅樹殷。停車不出戶。晏坐看秋山。星軺遽南發。未得窮躋攀。半年住齊州。悵悵別孱顏。韋巷清夢醒。幽意兩山間。

煙江疊嶂堂

開府洪州時。政成最清曠。閒爲北園遊。寄興臨霞上。萬朵青芙蓉。煙江羅疊嶂。畫本落眼前。真宰勞意匠。晉卿繪佳圖。結構此仿樣。王蘇不可作。築堂聊俯仰。匣中趙沈筆。補景足相抗。晉卿煙江疊嶂圖。東坡四詩真跡不可得。公有詩承旨書蘇詩。清光好摹寫。佳氣倍神王。曲曲棟花坪。名自邵叟創。邵君子。一勺尤甘芬。淡雪難爲狀。楮袍與簫笠。借扶方竹杖。賓從皆雅流。同時發郢唱。東湖諸父老。思公還悵望。何時節將來。空堂再相訪。

滄浪亭

平江富煙霞。名勝詎云乏。劇憐蘇長史。遺跡日摧拉。南園幽曠地。一水亂鷺鴨。舊有滄浪亭。荒廢失修葺。復古藉巨公。捐資施版鋪。當時太廟災。封事最淹洽。徙謫來中吳。歲月熟羊脾。顛蹶了一生。何異走鹽峽。身後萬口傳。生前百寮壓。數椽安吟魂。欄檻未褊狹。春風三月來。流鶯啼恰恰。空亭一葉舟。不須泛蒼雪。

登鳳山頂望錢塘江

江濤如雷吼。春聲塞天西。老龍作長吟。束縮如兒啼。絕頂凌蒼雲。象外淒以迷。俯視浮海蜃。滅沒如白霓。盤躡據飛崖。百丈窮鉤梯。元精羅心胸。蕩滴雲霧齊。風急吼鸛鵒。白日空中低。一髮杳莫窺。弱水通合黎。渡曹娥江

萬朵青芙蓉。風光足怡悅。小江何連卷。奔濤如濺雪。娥今乘潮來。玉佩紛粲設。明璫儼水仙。嗔鸞致幽絕。捐潰與撇漩。真氣相團結。想見浮沈時。剽波犯層穴。遙山偃修眉。尙露亭亭節。

題春雨草堂圖

故家驗喬木。古水蟠蛟龍。披君草堂圖。使我思盧鴻。堂中老仙人。著書學王通。一幅古冠巾。涉世貌何恭。曼衍蝸牛廬。長愛逍遙翁。亦有陶通明。庭院哦松風。北窗跂腳臥。時時方兩瞳。東海日栽桑。北山支短筇。一徑桃花源。穀紋磨青銅。洞中吠雞犬。疑有漁郎蹤。當時俗淳樸。年歲尤和豐。里俗敬儒雅。門戶無鬪攻。先進標風格。一嘯驚鴻蒙。絲竹時陶寫。賓客填雕櫳。青芻與白飯。早韭兼晚菘。日有衣冠會。蔚爲淮海宗。

仙人去已久。遺書待所衷。轉頭四十年。甲第高龍從。膝前多才子。聚散同萍蓬。憶我丫髻日。此地時游從。漣魚羣下水。敲石齊登峯。三月修禊事。九日問菊叢。君家諸年少。痛飲玻璃鍾。樽前黃繡綽。座上商玲瓏。落索箏琵琶。急景何匆匆。競將劉白墮。醉倒王無功。當時樂莫樂。睡味松根濃。覺來西山寺。彷彿聞晨鐘。前塵與影事。思之傷情悰。與君聚邸舍。策策雙梧桐。展圖逢舊識。細雨方濃濃。園中雜花樹。依舊堆青紅。湖山不歸老。老鶴留樊籠。浮名多悞人。有如送雨虹。狂樹秋露白。一澆塊磊胸。

重集武家窟

風氏園旁敬武。有武家窟。與黑龍潭相對。水木清華。渚數環五。風日澄霽。宛似江南。癸未甲申間。時從興化總憲往遊。公身居席廟。性嗜煙霞。將於此移築廣陵館。以爲登臨之地。未幾仙去。

俯仰之間。頓成陳迹。丙戌秋杪。同人復經此地。悲從中來。罷酒不憚。憑高南望。有淚沾裳。諸君不知以余爲酒悲也。歸來燒燭。成五言古一章。

近市厭蒼通。退朝憐馬汗。謝公具閒心。不受簪裾絆。南臺偶清暇。幽尋巖石畔。蕭然淡容與。解帶一笑粲。古水如車輪。遙山列屏案。蒹葭秋意冷。魚鳥煙汀散。用洗塵土腥。掬水自澡盥。下地將誅茅。高處置亭觀。廚中阮公酒。林下嵇生鍛。寄託有閒情。壯遊正汗漫。何意覓騎箕。海山歸夢斷。萬人悲莫贖。百歲市過半。夜臺妖鳥叫。西日黃雞喚。山邱今已矣。淚落如珠貫。彈指去來今。恆沙劫難算。支筇一憑弔。陡覺星霜換。沈潭蛟蜃徙。荒樹狐狸竄。倚闌思往事。客情若冰炭。風簾吹寺門。苔莎繡井幹。罷酒不成歡。歸途意淒惋。夢與東坡言芙蓉城事甚悉。坡公曰。余前詩挂漏甚多。醒時追憶其語。補之。仍用原韻。

芙蓉花開香青冥。城中環珮聲東丁。美人影入琉璃屏。衣衫飄渺光娉婷。紅綃萬縷花煙青。花枝歷碌鋪

繁星。浪言服食能煉形。雲路千層誰所經。荒唐此地棲真靈。蒼虬導入矚雲軿。或云主此石曼卿。四天王
映花芳聲。觀文幾曾歸紫廷。恐是浪語朝士聽。流傳遂曰帝所令。城中設置何軒櫺。臨僊悵望不可憑。丹
樓漠漠風清冷。丹樓失鑰夜不扃。瑤英偷入騎鸞翎。丹砂鍊就驅雷霆。歡攜子高坐中亭。元猿白鹿可結
盟。美人三十敬始嬾。丁公吐語風觸鈴。延年倒臥醉未醒。夢中絮語方嚶嚶。牀頭倒繫雙玉瓶。百日易過
淚欲零。塵埃一墮置風腥。素驢恍惚嘶空溟。道逢東坡訴飄洋。恨不長年守黃庭。下士瑟縮如焦螟。且飲
美酒爲延齡。莫恨孤回與絕邢。

後舞燈行

偶同諸公。卽席拈韻。限曲度一闕。各成長篇。以此曲共三十六字。故成三十六句也。

陽烏落盡參旗平。珠海七寶非哉生。沈沈龜甲冠香夢。乍透湘簾一片明。明妝隊隊列西第。長袖窄靴爭
妙麗。一聲羯鼓穿雲煙。數行彩焰流高髻。盡擁鴈絃唱渭城。琉璃如水照歌聲。神女峰前雲欲落。洗頭盆
下夜初晴。乍看燈影層層別。恍若迴風舞春雪。尋春陡見洞門開。屋梁盈盈古時月。玉簫吹起艾如張。舉
袂拉雜疑星芒。水晶釧映三三徑。白玉釵凝六六行。遊龍驚鴻轉香霧。采鶴飛來看競渡。隨風上下紛晶
瑩。繡錯湘裙多卻步。錦綉綺褥背煙紅。秋波銀燭相玲瓏。投罷柘枝搖火樹。更番白紵倚薰風。研光片地
甌甌滑。鳳脰雙雙憐翠機。驚開屈戌走微香。澄鮮驟現芙蓉塔。今宵百疊渡銀河。萬轉千迴舞態多。爲語
司分停彩箭。別思依依託綺羅。

焦山僧葺山志初成索予題句因書卷尾

三山一氣青蜿蜒，峭帆壁破空江煙。數聲漁唱隔晴碧，夕陽杳森聞扣舷。菜翁花田先生逸興何軒軒，振衣

直上秋樹巔。漫山紅葉絡碎錦，青黃雜糅波中天。蝸牛廬中草芊蕪，坐聽江水鳴濺濺。我擬將家傍巖住，

焦公祠畔客醉眠。雷轟古石留厓邊，八行遺墨當時鐫。馬鳳笙今何處所，女郎佳話千秋傳。石上有鳳笙題名，前塵

影事空憂煎，不到此山已六年。寺門行過雙淚落，天香主人今已仙。癸酉秋，曾侍先君遊於此。茲遊悵惺空迴旋，名山

一日難延緣。牽船欲別不能別，一江秋月流娟娟。

贈花田先生

啖蔗演雅幻奇詭，廣奕礪鼠饒名理。昌黎東坡庶相似，石湖山谷安足擬。野豬峯頂仄容步，蒼舌哈呀莽

支柱。洞天林屋恣幽探，筆鋒鑿鑿真宰怖。論書百韻極根要，盤空硬句能獨造。殘膏賸腹沾溉人，潛溪何

曾及君妙。闢山入戶常秋陽，陶韻儒史飲燕覺佳句垂光芒。汪侯堂老輩不可作，春泥三尺埋蜀岡。哭汪詩擬祭

韓體，音聲拉雜詞斐亶。堪嗟地上無良朋，茶村老去漑堂死。睥睨一世君誠豪，冥搜元覽窮秋毫。彩鸞寫

韻伯虎畫貴妃浴周昉兩篇卓犖尤蕭騷，郭郎畫馬逞絕足。曉行秋棧峯初沐，以上皆集中通馬語巧摹寫。口

繪山容轉清淑，拙處埋機冷賣巧。詩中忽作健兒撲，集中有觀健兒撲詩一卷冰雪誰能譜。金管瑩淨無纖埃，迴環

瀏覽醒瞋眈。何時一訪華蟲齋，傳鈔箋釋擁萬卷。精甲三千固由鍊，振興大雅破郛郭。陶鑄餘子空壇坫，

典誥玉局荷殊襲。從容紳珮還江臯。對客手持玉麈尾。獻賦新著宮錦袍。清和時節吳陵路。斜川月落拏音去。顧曲常筵記豆紅。片言脈脈中情愴。宵宮寒風巖罅吹。黃綢被冷夜闌時。茗撷枯腸聽鼠齧。磨丹似血哦君詩。摘詞振藻氣排寡。朱絃疏越出清廟。神仙語氣及不得。神龍戲空勢夭矯。球鏞重器非筌筴。酌我沉瀣形骸蘇。鴻才壓倒四天下。豈止二十年前無。如余下根失裁翦。溷跡江村日頑塞。蹉跎學殖日就荒。浪死虛生恐難免。紙窗銀百地爐紅。邀君說詩草堂中。急倩小胥安筆硯。定有奇語開洪濛。

贈酒石歌

爲顧花田賦

願酒·本元次
山石魚湖歌·

蘇花纏裏蝸涎交。蛾綠秀色森塘坳。底空一竇此何物。非觚非觚泓然顛。鳴夷滑稽皆不若。酒海旋注浮花泡。紫紺玉笋共杯盞。銀鬚翠勺真斗筰。初疑商周彝。又似虞敦雉。渾朴不雕飾。肌骨森蔚蔚。勢若怪獸獐以蹲。阮嵇色動不敢捫。莽莽雲痕雜酒痕。縝潤削成土花碧。山癭木樽苦偏仄。頭沒其中渾不識。細看乃是雄雉齋前之怪石。雕尻股脚形呀呀。胚臍凝結青無瑕。犀株半笏儼酒庫。華蓋一峯如麴車。中容百斗形渾朴。白石蓬蓬露雲落。豈有巧匠能雕鐫。無煩鬼斧助鏤琢。雕玉之几躔碧樽。未造怪巧徒紛綸。綠嫌蓮子盞細瑣。此豈可以管吾唇。清宵吐納皆沆瀣。酒既甘芳石耿介。雲嵐草木盡沈酣。終古酒樽出魚背。我聞千年酒星墜爲石。莫作秋山秋水骨。幻爲酒器常輪囷。不見鄭家身後欲葬陶家側。此石或者鄭所化。釀王司酒正厥職。啜醑時見劍門開。濡首亦畊仙掌出。葡萄釀美雙瓶矮。不如屈注滿巖罅。三茅地

肺爲糟邱。二華雲氣變酒海。浮白喝月掀吟髭。老顛拍手張兩頤。麴生風味旣不惡。石丈標格尤蹊跂。濁清賢聖置勿辨。狂來且復大吸之。不然撐腸拄腹五千卷。非此何以發洩胸中奇。抹眇秋簪細密視。雲夢石甃未云似。仇池枉用誇髯蘇。不能曠酒亦虛器。街南榨酒聲淙淙。築壘要使糟邱降。長鯨百川任意吸。會見五腹如降肛。酒家南董君不愧。小謝作歌清可味。煩君多儲百斛松醪春。待我爛醉高歌枕石睡。

歛帆石歌爲顧花田賦

質如煙島排琅玕。色如墨雅堆髻鬟。壺中九華未足擬。仇池一穴通躋攀。千峯萬峯縮盈寸。屹立不動形孱顏。清肌滑笏不受拭。几席四照苦花殷。石帆幾幅疊巉峭。石桅一道分爛斑。宛如靴紋浪初起。半齋明鏡開秋山。週遭上下渾一碧。橫排巨舸山中間。水肥山飽旗腳轉。或欹或側波迴環。石公石姥相背坐。中流歌笑何疎頑。天翁好奇露狡獪。生此尤物驚塵寰。黃牛白狗千重灘。世上行路何其艱。收帆不住落帆少。可憐人命如草菅。何來此石帆影間。居然小泊黃蘆灣。虎頭收拾歸都籃。只恐天風一縱凌潺湲。

樓村夢至一處。梅花滿庭。一老人以杖數樹云。此十三本以付汝。覺而屬禹鴻臚尙基繪爲圖。今欲南還。以圖索句。作歌贈之。

東風吹夢來蓬瀛。梅花萬樹縱復橫。長條紛紛玉蝶舞。細蕊粒粒朱砂頰。天香國豔正狼藉。遙山遠水方洄瀼。夢迴攪身落何所。月中田地非人行。廬眉老叟拚客出。以杖割地鏗有聲。指付梅花十三本。赤髭白

足鮮送迎。醒來繁花猶在眼。銀色世界空中呈。先生胸懷冰雪清。吹花嚼蕊空復情。孤芳與世少合迸。亦復與世何所營。十年歸計苦未成。荷衣薰帶藏箚簾。汜光湖南好煙水。旋鋤小圃依江城。使可栽花擬夢寐。橫斜幾本遮檐楹。愛看紅萼敷玉頰。時遣翠袖彈銀箏。人間萬事適意耳。超然齊物何虧盈。垞南春酒亦已熟。一卮聊快傾生平。

烏獬豸歌

爲宋商邱太宰作。

濯龍門外香塵起。天廐飛龍五花紫。道旁借問何光輝。尙方賜馬尙書歸。尙方驟牝三萬匹。至尊妙選皆辟易。衆中端出安而馴。賜之可以榮老臣。錫汝佳名烏獬豸。果得千人萬人愛。虎文龍臆身權奇。雕章寶鏡黃金羈。騰脊蹄懸屹不動。須臾蹴踏神俱悚。涼秋颯爽氣騰驤。道旁觀者如堵牆。風動盧溝橋畔柳。八騶在前馬在後。尙書恩榮服賜衣。被馬更以錦障泥。黃絲絡頭小延佇。馬忽戀闕常風嘶。西陂芊茸水泉好。不待來年試春草。飲餼有態馬放閒。可憶賴羅蹀躞天衢間。三公行田祛鹵簿。此馬時時爲先路。歲華彈指何匆匆。又見星軺趣潞公。重來文陸荷殊獎。拂拭還看馬齒長。

題戴山山下廢署

樟陰森半畝。遙接萬松青。月冷蓬萊閣。雲迷越望亭。凍梅開石磴。老鶴守寒廳。內記王龜齡先生。不是陶貞白。何從卽茯苓。

秋日侍直

秋雪點平蕪。寒生金僕姑。五雲低帳殿。紫塞拱周廬。珍味駘封賜。傳餐鹿瑤酥。飲飛軒猛氣。親手搏於菟。珥筆陪雕輦。回中夙寢興。月明山鬱鬱。霜曉木稜稜。眼疾拳毛鶴。神寒帶角鷹。平疇看躍馬。相顧意飛騰。

留別兩湖諸生

黃鶴晴川態自妍。輶車辛苦駐經年。壓囊空有三千牘。負郭曾無二頃田。晴日暖風遲畫舫。清歌妙舞是離筵。老夫一掬孤寒淚。灑向春潮意惘然。

玉泉山大閱十二韻

禁籞凌青甸。行宮倚碧天。忽傳神武詔。不廢太平年。七萃初分節。三驅早著鞭。風雲看合散。天地辨方圓。氣攝金戈靜。聲先壁壘堅。雪晴狐兔匿。風定虎狼懸。勝算隴輅略。歇聲常凱還。虎臣非閭外。天子實中權。憶昨三城遠。親開萬里邊。容刀傳洛水。銘石紀燕然。事實同干羽。功應異茂田。禁中慚頗牧。空賦馬鳴篇。

舍北林塘詩爲狄向濤作

將家南垞旁。卜宅欽湖口。無數赤欄橋。一叢水楊柳。

柳柴

日華嘯吸處。獨上大羅天。喚醒詩人夢。一聲風柳蟬。

詩夢軒堂

微風閣疎雨。清響闥簾櫳。褰帷滅明燭。月上聞秋蟲。

樓

深巷雨聲頻。朝來露蕊新。明珠將翠羽。一段可憐春。
 微酣頰暈生。倭髻露盈盈。十幅鴛溪絹。徐熙寫不成。
 朱櫻顆顆垂。珍禽弄清樾。斜日淡疎林。半堆紅鞵鞬。
 煙波舊釣徒。風泉雜清聽。坐愛白蘋香。琉璃一千頃。
 商飈淒戶庭。水木露華晚。閣外鯉魚風。菰蒲寒潦減。
 常畫臙脂嫩。紅薺錦段張。明妝看佚女。風起顚釵梁。
 霜信飽黃柑。霏霏香霧含。封題三百顆。何必洞庭南。
 夢覺聞騷屑。竹風時拾門。浮蛆傾一盞。坐愛地爐溫。
 涪翁瓊田草。蘇子青珊瑚。雙芝如可食。蜜藕和雞蘇。
 婪尾杯同把。遨頭蕊正賒。砌旁閒佇立。紅笑一亭花。
 垂簾日掃除。茶具淪精廬。趺坐無餘事。清泉讀道書。
 平生五嶽懷。寄此一卷石。高雲靜不流。蒼蒼古苔積。
 親種碧琅玕。籜筴弄清影。借問輞川人。何如斤竹嶺。
 行過竹廊下。荷風生曉涼。胡牀俯流水。萬柄白蓮香。
 杏花春雨
林宇
海棠
櫻桃
漁唱
亭閣
水木清
淨香
橘鄉
雪堂
曉芝
閑笑
紅笑
亭
軒
五餘
高靜
閑
步
初日
蔡亭

石梁足徘徊。繁華共斟酌。數仞碧玲瓏。一條紅略約。花梁
勞生大火聚。何如清靜退。適適一龕中。跣趺入三昧。龍適
洞長龍鬚竹。崖荒鴨腳杉。石帆山下路。小頓倚長鑱。石帆
歸鴉落遠汀。殘照餘衰柳。何處峭寒生。西與斷磯口。柯橋

淮海英靈集

張

字抑高，號雒川。其先延安人，古籍儀徵。父以總戎鎮閩，頗著戰功。抑高落魄，窮而工詩。與洪去蕪、蔣蔭爲詩友。生於順治丙申年八十餘。子茂實。

梓陽阻雪

一雨凝陰雪便飛，春寒不管客思歸。萋萋芳草無蹤跡，何處天涯有翠微。

發三山留別故人

爲督中侯，先君之故吏也。

悠悠山上雲，萋萋路傍草。人生有聚散，含意不能道。我行日以歸，子在誰與好。窮達旣云命，富貴豈常保。願子加餐飯，無令顏色槁。將行復執手，掩淚心如擣。再會知何時，預愁相見老。

其二

送我出北門，日上門始開。今日與子別，何時常復來。飄飄東北風，吹路起塵埃。十年一再見，百歲能幾回。淚竭共延佇，飛鳥臨徘徊。

酬林五河明府起英，甲午歲爲先大人紀功碑文。

起英，即寧德人。後以孝廉任五河縣令。

在昔誰知頗牧賢，感君樂石紀鴻篇。勤勞久息滄溟浪，勁氣猶橫鶴嶺烟。白鶴嶺，乃赴福州大路，其山最高峻。百戰威聲疑是夢，千秋直筆歎如弦。雨烹日炙應難剝，偉績名文許竝傳。

桐山道中懷歸

歲月驚人去。奔馳又一年。路從經過險。月記到時圓。谷邃晴堪喜。村荒暮可憐。憑高無限望。江水綠村前。

四君詠

放公厭瓢士。曳尾潛江濱。引商調寡合。因貧道益親。結茅鄰老圃。種竹舒清神。忘已復忘世。默默全吾真。

太璞苦不作。圭角日彫露。我生既後時。永思吉人晤。江上曾夫子。孝友光庭幕。令顏啓後昆。正氣資調護。

斯民賴老成。和鸞方遵路。右贊予菴。魏君淮南彥。崛起惟天授。臨險恆自夷。望遠惟恐後。卓哉百世師。旦暮精神邁。涉海止衆流。駕驥空羣騾。

抱此珠玉輝。畢露山川秀。右魏廓功。世不知斯人。吾亦可無語。何意羣鸞羈。反笑大鵬舉。上人英妙質。游踪渺千里。閒心雲在天。朗抱月在水。

江樓有懷

羈人何事最牽情。纔見梅開草又生。湖海正難高處望。東風莫送鼓鼙聲。

冬日晤洪去蕪再訪不值。

四年纔一見。款語未移時。相約遊清夜。予方有所之。詰朝尋不遇。停午益相思。惆悵歸來後。情深賦此詩。
同裴若右人漪園作

勝遊既不易。佳客良獨難。與子結芳契。偶步城南園。茵苔出清漣。嘉樹鳴幽蟬。香風吹我衣。柔枝拂我冠。
元鳥未云逝。白雲登秋潭。感念往昔交。曾無幾日歡。望望茂時去。池塘生暮寒。

奉答芋堂題先君遺像原韻

久荒成世亂。宿衛出爲官。

先君嘗勝國時。籍師林軍。後隸盛監靖南侯麾下。

禦侮曾臨海。扞忠欲瀝肝。破山褫虎號。

順治間。國寇號爲張飛虎。

雨得龍歡。

順治甲午。守寧德縣。久旱。禱雨輒應。民建功德坊。

石表嵯峨久。苔痕黦黦。

左

衡

字白衡。江都人。康熙時人。所著有寄廬詩草四卷。

春夜喜王仔園乘月棹舟見過

不厭過荒逕。如君眼獨青。風生簷外竹。月到水邊亭。夜色窺書幌。春流動酒星。醉歌情未已。撥棹向前汀。

贈李巢雲

失意同王粲。多才擬謫仙。薄田難望歲。破屋不藏天。避俗居人後。吟詩在客先。與君渺無事。攜手話江烟。

夜坐

日與厭煩濁。夜坐生空明。山月上逾白。江風吹復清。傾此羣動息。嘯歌娛我情。

黃鶴樓

黃鶴何年去。高樓萬里情。金沙還有色。玉笛已無聲。江白隨風起。山青趁雨生。客心渾欲駐。猶是武昌城。

南池秋暝

野寺立秋暝。輕烟漾淺汀。鳥喧深動竹。魚出細吹萍。一聲落寒碧。萬山來遠青。謾言乘興晚。隨意寫雲屏。

陶

激字李深。又字昭萬。復以字行。曰陶季。寶應人。不事舉業。爲五嶽之遊。北抵燕趙。南浮沅湘。西踰太行。初盛唐。若老適逸。爲國初鉅手。著有舟車集二十卷。後集十卷。集唐詩一卷。王漁洋池北偶談云。曾刪定其客湖與閩中諸詩。多似高岑龍標。今日一作手也。又云。其過東阿曹子建墓有句云。可憐衰草地。猶是建安人。爲時所稱。

江南曲

江南小姬舞。且歌揚裊似雪朱顏酡。迴眸緩節觴行多。觴行多。拍將歇。上客去。愁獨妾。

湖口效西崑體

橫江日出江城小。峰斷路迴波淼淼。薄衾香夢不勝春。可惜遙鐘促清曉。擘衣送君君別難。下堂欲語先愁歎。君行幾日到南郡。妾恨獨無雙羽翰。鯉魚風起寒生粟。帆盡雲橫看不足。

野泊

野泊映殘暉。漁舟晚合圍。一星侵月出。雙鶴背人飛。世事終塵鞅。吾生有釣磯。年年問南北。多與壯心違。

陳思王墓

斜日昏高樹。秋風生細塵。可憐衰草地。猶是建安人。白屋更新主。青山結故鄰。童童雙櫓在。風雨各千春。

過周定王故城

南苑柳絲眠不起。北山石墮池心水。年年閉却故宮春。喚月無聲杜鵑死。方礎照人前殿空。風殘雨歇苔衣紅。歌魂寂寞畏白日。涼蟾照影啼秋蛩。秋衾銅罈君恩薄。野棠猶發連枝萼。細雁香殘宮鬢消。玉魚鱗斷芳脂落。天公有情人未知。菖蒲花發蜻蛉飛。安得仙藥起蛾眉。一閱緩歌張素絲。

溯江四首

縣錢塘至江山縣。

水折嚴陵瀨。舟人欲溯難。此中真異境。盡日可忘餐。獨鶴盤空小。千峯撲翠寒。西風今夜發。愁絕相風竿。旅泊誰能寐。相逢且進杯。清流澄七里。明月到雙臺。木葉迎秋亂。風帆拂曙開。富春山嶢嶢。隨處送青來。風雨愁孤客。灘聲日夜流。四山頻送曉。萬木總成秋。舊令傳宗澤。狂禪失貫休。豈期元暢字。猶屬沈公樓。咫尺分巒嶺。輕舟尚越鄉。城通一水碧。峯壓半林黃。寂寞旗亭酒。飄零估客裝。逢人無賴甚。堅坐說江郎。

福州臘月口號

周遭山色弄清暉。老樹青青草色肥。不信嶺南寒不到。一冬蝴蝶傍人飛。

三不朽詩

高淳小邑。有鸞妻治母喪者。其妻往。誓死不食。因訟于令。令爲出俸錢使歸之。辛丑八月。余聞之。紀鸞妻。

親恩如天。淪於幽泉。嗟爾寡妻。胡忍棄旃。從義所重。促音絕弦。促音絕弦。人誰不爾憐。所天惻惻。剜肉自療。傷哉何心。忍卽於醺。視天蒼蒼。視水浩浩。瘳面截耳。庶以云報。罔極惟親。從一惟身。微二人之故。孰知我侯之仁。

汎谿

歸舟前日發。信宿下辰谿。雨急雲爭合。山空鳥自囀。憤眠黃磧裏。人語翠微西。漸得耕紆暇。年來息鼓鼙。催何震種竹。

牆東三畝宅。儘可萬竿生。但得經營暇。須教種植成。繞園休過密。疊石更餘清。待我歸來日。長歌逕裏行。

觀北嶽廟壁吳道子天宮圖

吳生畫手稱絕倫。千年遺墨猶鮮新。曾聞經營洛城北。五聖龍袞紛然陳。今年遠遊憩恆麓。花飛滿前常暮春。孤城畫靜倚山色。雕甍碧瓦爭嶙峋。入門留影盡松栢。苔生階屐清無塵。殿中虛壁動光怪。星旌羽葆來僊僊。千官夾路各殊相。百靈奉釐還逡巡。一人截冕獨森秀。旁有御者巾紅巾。鞭驅赤虹駕雲氣。玉女窈窕隨車茵。豐隆作怒雨師喜。猖狂無數誰能馴。丹青之妙竟若此。想像顧陸皆前身。當時奇思豈易發。定有劍戟橫秋旻。我今觀久忽生怖。智慮恂恍毋乃真。吁嗟乎古人胸臆盡萬變。不然此道安能神。

登恆山四首

曲陽縣西北四十里。志云。上曲陽。今大茂山也。

恆陽地與寒垣通。山勢紆迴接大同。黑霧不消陰欄雪。翠微時下石壇風。燔柴有制思虞典。持節無人出漢宮。幽渺嶽靈何所寄。巋然碑版綴落紅。

異草靈源不可尋。舊時松柏正蕭森。雲屯烏道晴俱濕。雨過龍湫碧自沈。極望豈同王粲意。竭來真憫向平心。遙思太華三峯直。尚隔關門莫苦吟。

不盡浮雲起北隅。離離城郭望中孤。荒原白草還今古。戰骨青燐半有無。委宛萬山連抱贗。巉峴一道隱飛狐。憑高莫問探符事。昔日贏秦計本迂。

磨斧山下夕陽開。一片流雲直北來。蕪沒不聞青草墓。蒼茫何處白登臺。春歸楊柳懷千里。酒泛蒲桃醉百杯。沙磧有人連突騎。紛紛知是射生回。

題秋水文鴛冊

交頸如何又別離。風中楊柳碧絲絲。一灣秋水蘋花冷。可是橫塘月墮時。

追和楊鐵崖花遊曲。

戊午四月八日。余在京師城南。得觀文徵仲楷書小冊。點畫波磔。宛如秋蠅。前書至正戊子三月十日。會稽楊維禎。併茅山老人。王峯才子。雨後往遊石湖。攜妓瑤英。過窳積寺。

坐新禪師西軒。對碧桃花。因爲瑤英賦花遊曲。玉峯和之云云。而徵仲自記錄詩。則在正德甲戌六月二十三日。上詣諸公遊樂之日。已百六十有七年矣。今去徵仲時。又歷年百六十有五。勝事之無聞今昔。能移人情如此。之。

吳山雨霽烟濛濛。羣公此地邀春風。載得紅妝碧湖裏。唱徹新聲隔烟水。花枝灼灼常寺門。美人鳴璫曳

絳裙折花不語獨同步。腸斷鴛鴦道旁墓。可憐遊屐不復來。至今空憶芙蓉杯。相逢且與試茗椀。莫問從前舊歌板。夕陽一片湖水西。衍公素壁堪重題。春鶯自是催花使。楊柳陰中啼不止。蠅頭小字誰擘箋。殷勤重賦花遊篇。

繇廣福觀至永寧觀宿

卯山真人追魂碑。載在歐陽集古錄。我來道院訪陳迹。正值清秋滿空谷。真人一去丹井荒。百六十年如轉軸。後之學者豐去奢。羽化猶能繼前躅。如何近代久寂寥。役鬼驅神事難續。歸途憩坐山色暝。下視松溪漾寒淥。樓前僅存鳧氏鐘。可怪銑于半紆曲。縉雲令尹夢中字。人說鐘鳴字未足。惜哉此碑今渺茫。何況大書韓擇木。永寧觀鐘。唐乾元二年鑄。宋宣和初。樞密火。未鑲也。韓亦有碑。俱失所在。

將之濠梁

敝帚千金價。庸人總不知。徒令天下士。每歎結歡遲。歲月淹行旅。風霜改鬢絲。此來盛賓客。猶是鄮當時。宿秦園嘉樹堂。蒼宮諭昆弟。

往余遊梁谿。機舟檻泉側。烹泉試雷莢。月出雲四匿。同時得顧況。腕具扛鼎力。斯須百韻成。山澤爲改色。再登瀟瀾堂。羣木竝修飭。傾觴各盡醉。星河瀉胸臆。蒼茫越三紀。奮去多踴翼。今來叩山靈。峯峯互芳嶺。堂中賢主人。文采天下式。逢余雙眼青。快意曷有極。堂開漸深廣。泉沸自清湜。賞心惟千春。奚必資釣弋。

先生固肥遯。志士所取則。吾曹期勉旃。相望在南北。願賢。余友亦方也。

縱權園新船鹽樂詩

往昔我遊明聖湖。良辰勝友交相於。汝陰鵲李各分幟。詩壇才略驚孫吳。葡萄之酒載百斛。傾銀注玉同。懽呼。樓頭赫蹏分險韻。輕舸傳送如飛鳧。坐客誰爲八叉手。長吟短什咸斯須。昆季濃華敵溫李。公醺酬唱追應徐。後來嘉會易銷歇。賸有練影沈秋菰。比年此事屬吾邑。城隅淥水開畫圖。堂中主人憺無欲。日尋數子偕舟車。橋通柴門宛轉水。不巾不韞信所如。昨宵畫舫漾天鏡。東方正吐驪龍珠。金支倒坐夾空翠。涼颼細發飄單襦。觴行未多絲竹作。燈前皓齒歌吳趨。廚船進食次第見。羅列一一皆芳腴。三更露溼客旣醉。園樹早已驚棲鳥。迴船攬景憶往昔。藥時取適元非愚。君不見跳丸歲月冉冉至。千古知足惟二疏。前此張定山。曹潔躬兩先生。主西湖遊賞。疏。距今四十二稔矣。辛未八月十三日記。

訪蕭處士汎柳湖而歸

南郭散墟烟。人家放鴨船。一谿清漾影。萬木翠侵天。覓句鶯聲裏。尋春燕子前。何當結鄰住。吟坐草芊芊。

將入新安境

三月始聞鶯。柔桑處處生。雨餘雲葉斷。溪闊浪花平。白鳥分山翠。青邨記水程。天都行漸近。不爲布帆輕。

補蘇子美滄浪亭詩記壁閒韻

長史發天與。龍賓集其肘。論事輒撻忌。放廢日嗜酒。憤則形諸詩。誦讀不去手。是時梅都官。同聲在人口。知己劉後村。賞音歐陽九。栖心城南隅。維宋實罕有。淪漣近咫尺。環植有榆柳。至今遺斯亭。碑石尙未朽。

汪耀麟

字叔定。號北阜。江都貢生。與弟忠麟齊名。著抱來堂集六卷。南徐唱和詩一卷。愛園唱和詩若干卷。

移居愛園四首

築室期容膝。依山結小樓。白雲高欲駐。明月迴堪收。樹密羣峯暗。花深曲逕幽。閒來隨杖履。歡奉老親遊。一邱堪坐久。聊以避繁華。亂石松邊屋。閒亭竹裏家。林疎通鳥雀。窗靜敞雲霞。憑眺西山晚。高城落照斜。南軒無別樹。一院總梧桐。夜月看常好。秋風聽不同。影搖清簾冷。聲落小庭空。更喜聞疎雨。瀟瀟和砌葦。園林芟辟後。爽氣滿高臺。白露催蟬去。青天送雁來。山楓千葉落。籬菊一花開。秋色誰爲賦。詩同小謝裁。

胡元潤

畫晚登燕子磯圖并和阮亭先生壁閒韻見示和答

絕頂憑凌破曉晴。高秋萬里暮烟橫。不分草樹連天暗。但見波濤列掌平。月冷聞鐘洪濟寺。霜濃吹角石頭城。青山不道歸君手。寫出空江落葉聲。

買犢行

五月田家看收麥。小麥漸黃大麥熟。門前高柳如烟濃。池內新秧似雲綠。我來正值農夫歸。新向前村買黃犢。田家愛牛如愛子。手自牽來入堂屋。不願却虎且糞金。但願蓮花生四足。兩耳不燥角不觝。無事不

立盡常伏。一日能耕百畝田。收比從前多十斛。

聞阮亭先生以戶部尚書郎簡翰林侍講奉寄。

承恩初見入瀛臺。館閣同看珥筆來。七寶座從天際得。九英花自日邊開。掌中抽草應多夢。籍裏逢仙是有胎。遠矩撤回眞異數。雲霄侍從是奇才。

送聽翁遊淮陰兼呈魯謙菴。

閉門種字臥林邱。

聽翁約凡宋詩文者皆令種花。名齋曰種字林。

飛鳥投閒已倦遊。弔古忽遺春水棹。懷人重上月波樓。舊時酒

伴知誰在。此日詩名讓爾收。遺老尙存陳仲舉。定留高榻待南州。

續桃花行。

顧書宣。招過春江草堂看桃花。款留信宿。四續眞州桃花行。卽和原韻以酬。

襖被在肩肩未下。來往無端翻自詫。眞州昨夜看花回。一棹纔停車復駕。主人折簡何殷勤。恐我來遲花欲謝。過橋李密桃漸稀。始信丁寧語非詐。褰帷下榻翦紅蠟。吹火烹泉爇紫廚。玉炊飯甌米宿簪。珠滴糟牀酒初醒。廚房疊至味必豐。街鼓頻傳夜將罷。坦率祇覺心忘形。謔浪難辭語多罅。留客雨雲排不開。動地風沙喧可怕。簾前霽色朝重生。葉底鶯聲鬧如罵。綠溪何必尋武陵。秉燭眞如宴春夜。知君林壑舊已然。惜我耳目今來乍。平池綠漲環竹扉。侵幔紅香列花架。江山對面心神開。圖籍繞身眼光射。但得軟飽游黑甜。不辭堅臥披黃帕。故爲高論余似癡。實繁閒情爾毋訝。青藤作杖手自扶。黃犢牽犁口常吒。春風

桃李愛花多。暫對春江得休暇。

陪家東川大司成與吳山崙諸君遊宴屢日卽事四首

林園多在北門西。一帶高城壓水低。望裏常如看畫卷。春來亦或有詩題。臨橋賣酒喧村店。隔舫吹簫唱

大隄。不若城南最閒曠。綠楊亭榭愜幽棲。

集南園

城南昨日潑春醅。又向城西放艇來。看過幾家山後竹。坐殘一樹水邊梅。人亡夢斷春池草。客少庭荒夜

雨苔。

集許園。能力臣師六兩翰林。

富貴何時但行樂。肯辭燈火夜深回。

兒時此地有高樓。

集巴園

直上層層見遠洲。

園爲張中丞所園。有樓三層。可窮瓜澗。

自被兵戈頻換主。不堪今昔重回頭。龍鱗翠

柏欹黃石雁齒紅。橋跨碧流別作一番新面目。居然城郭是林邱。

欲看青峯疊翠巒。脫韉驕馬上平山。樓開眞賞窗三面。橋渡清平水一灣。細酌名泉僧味永。暫聞疎磬客

集平山堂

心閒。獨嗟墳上雙華表。丁令何時化鶴還。

集平山堂

汪懋麟

字季角。號蛟門。江都人。康熙丁未進士。官內閣中書舍人。以憂歸。戊午。舉詞科。以未終制辭。服闋。遷入史館。未幾罷歸。康熙二十七年卒。王士正撰傳略云。季角更號蛟門。康熙二年舉鄉試。又四年。成

進士。以主事入史館。充纂修官。尋補刑部。仍直史館。君才通敏。不敢託史事自佚。南城武某。以一車一馬販米於南花園。宿草之貴家。策利其賈。殺之。夜以車載尸。輓馬曳之他去。武父得尸於道。得車馬於劉氏之門。誤之官。謂劉殺其子。君曰。殺人而置其車馬於門。非理也。乃微行南門外。縱其馬。馬至之貴門。佩跳躍悲鳴。衛戶以入。君卽令收之。訊得實。寘之貴於法。劉得釋。都人爲之作馬訟圖。賦詩張之。君詩才嫺嫺跌宕。其師法在。其之子瞻兩家。而時出新意。古文猶喜王介甫。晚歲爲文章。峭刻近之。君稱詩聲下。與田公綸霞。宋公牧仲。曹君頌嘉。丁君澄汝。王君幼華。顏君修來。葉君非叔。曹君升六。謝君千仞。相唱和。時號十子。歸田後

得矣。將卒。今洗硯磨墨。喚之。復令烹佳茗以進。自謂香沁心骨。日占二絕句云。惡夢虛名久未聞。孤雲倦鳥乍還山。半生心事無多子。只在儒臣法吏間。小住遊僊五十年。大冠長劍亦翛然。文章勸業都無是。敢與何劉一例傳。大笑而逝。

重九前二日。其年升六。子綸。頌嘉。子靜。舟次。家兄喜余抵京。集飲頌嘉邸齋。同用六月韻。

舟車兩月幾曾歇。昨到城門日將沒。下馬踰階解弓箭。入坐從容繫巾襪。故人驚我未老瘦。似謂平生厭糠粃。踪跡豈料同觸羊。時命早知遇磨蠍。三年偃臥棲碧山。十度遲回望丹闕。不堪視而稱臺郎。直可藏身作街卒。不才那足邀人知。無狀定須行自劾。感彼馬得復馬失。莫歎狐狸與狐搢。方驚地軸翻巨鯨。聽說天門掃流李。吾徒對酒聊偷安。夙昔逢場笑干謁。稽生自顧玉山頽。李侯豈受金谷罰。虛名不欲列一難。妄語何勞矜七發。爭奇角勝齊開張。摘伏攻瑕顯嘲訐。到底同心比唇齒。豈有他時異矛鉞。一生着屐能幾兩。百計營生苦多窟。及時且插頭上花。對山可拄囊中笏。

題孫杞瞻學士扈從射獵圖和嚴存菴詹事韻

羽林健兒熊虎軀。生小射獵無人俱。捷如黃鵠翔雲衢。翻身疾點春草鋪。綉襦袴褶青搖榆。唯肝咤叱顧盼殊。春霜如霞光塗塗。長楊館前花萬株。百物乘令齊榮敷。驪駟駢駟駟驪駟。賁育絳矚褒鄂趨。忽傳宣索拳毛駒。大羽之箭張軒弧。

帝言學士神采都。錦靴金鞵騰雙鳧。黃鸞突起奔腐翼。引滿馳逐蒼鷹呼。一箭正中羣鷺吁。連營規地

賓瑜中殺下殺充官廚。燔羊椎牛掛錦蘇。頒賜先及侍從徒。始知白而非腐儒。此時意氣橫八區。佳哉學士眉與鬚。斂手鵠立常庭隅。被服輕溫貂貉狐。紫羅照耀腰黑張。豈但繁弱兼屈盧。皇仁夙告矜天雛。蒐行恐踐春田蕪。下令戒彼山澤虞。火耕水耨嗟農夫。君吁臣咈良然乎。上林之賦空有無。

銅鼓歌爲樹百給事作

銅山夜鳴颯風雨。鐘鏞四應疑虺虎。金鐵精靈帶兵氣。巧匠烹煎作軍鼓。鼓聲坎坎如鳴鼙。蟲魚鏤錯花葉多。龍師慘淡直千鎰。驃國不得誇玉螺。貞元中驃國進樂有玉螺銅鼓。鏗于刁斗軍中寶。祀鬼禳災集夷獠。鉦鏑絕域雄夜郎。騰蹕蠻溪近天討。叛散有類鳥獸羣。九絲勞動樓船軍。南交越嶲實蠡蠡。瘴烟毒霧徒紛紛。古鼎躍水何年至。竟作閒齋閑花器。巽州刺史空咨嗟。魚懸佛寺生土花。或通米。張直方謂巽州。修成。掘得銅鼓。載至宣次。拾延壽度院。大帥枉收拾。神入野田爲怒蛙。停宗時。鄭賴鎮番禺。有牧兒開田中蛤鳴捕之。蛤入蟻塚。遂得銅鼓。鼓上有蛙屈狀。因獻於懸武庫中。摩挲碧於水。料量尺寸兩握腰。辨識花文四垂耳。或稱此鼓山文淵。主人意思殊不然。渡瀘附會諸葛事。考之載紀無流傳。書生異同且高閣。吾欲當筵作杯杓。不然短襟禿袖招花奴。揚榘三摻非豪傑。

送韓醉白游淮陰兼寄劉六皆鄒桐厓劉价人

霜風如刀木葉落。寒氣侵衣冷難著。有客藥舟將遠行。東門慘澹斜陽薄。羨君今年二十餘。家無四壁能

讀書雄文健筆自無敵。結納賢豪人不如。去年九月錢塘住。吳山越水多佳句。今年再向南徐遊。振衣高詠三山秋。邇來又渡黃河口。我有故人與我厚。劉郎登第尚清貧。閉戶賦詩兼飲酒。鄒生豪素走風雲。落筆欲追王右軍。俗人翩翩更年少。賈誼才華果英妙。三子別久無尺書。我欲煩君問同調。君去相逢情自歡。漂母祠前尋釣竿。淮陰子弟如相問。爲道王孫亦姓韓。

劉莊感舊

揚州昔苦戰。貔虎臨江潯。陣雲壓城黑。金甲明重關。余時方七齡。歷歷記猶真。吾翁守空城。遣家避河濱。提攜杖老母。跋涉嘗艱辛。四兄年十餘。相依走踐踐。託迹到劉莊。主人情舊親。謂余父有造。報恩在茲辰。移堂讓我居。汲水濯我塵。老婢來執爨。送米兼宰牲。室有二嬌女。爲燕往來頻。兒戲無嫌猜。慰母時諄諄。中兄死兵革。季兄陷營屯。老母日夜泣。枯口復焦唇。小時不曉事。索食遭母噴。亂後始還家。一一向父陳。古人重交道。寄託原有因。骨肉散復聚。何莫非鬼神。升沈閒炎涼。如隔楚與秦。豈意重來過。忽將三十春。訪舊已爲鬼。門巷摧爲薪。不復見耆舊。滿眼皆流民。我欲報舊德。此意何由申。日莫發船去。回首淚盈巾。

捕賊行爲侍御夏公賦

邑小山荒舊多賊。鳴梟亂曉林晝黑。官吏束手不敢捕。驅捉殘黎苦羅織。井里蕭條人跡稀。二三老稚無完衣。戶籍雖存半爲鬼。流亡竄徙何時歸。公曰吾民豈爲盜。單騎夜馳走相告。賊黨羅拜涕泣陳。自此鄉

邨不爲暴。紛紛良民買犢耕。齊道我公神且明。空城忽增二萬戶。四境但聞雞犬聲。治盜從來重良吏。渤海曾聞得龔遂。但使開誠復革心。翻笑縫衣亦多事。

凌烈婦

南有黃。北有沚。水盈盈。石齒齒。孝子亡。烈婦死。名雲湘。姓吳氏。尙書孫。孝廉子。夫家誰。凌御史。凌死忠。義聲起。孤克孝。聞閭里。婦作配。家益圯。事二姑。缺甘旨。手執春。隨十指。姑食粟。已糠粃。還灌園。供箸七。泥且深。濺裙履。夜提甕。出汲水。夫與婦。步履徒。雖朱門。而僕婢。夫得疾。藥親視。疾不瘳。容悉毀。股潛割。肉空委。戀影隻。柏舟矢。竟絕食。自經矣。孰爲殮。母與姊。啓其裳。見衣裏。百縷結。繫麻臬。烈哉婦。罕與比。稱未亡。猶所恥。況二天。真犬豕。作歌媿彼臨邛美。

仲冬平山堂落成。太守金公。招同諸君燕集。卽席得五十韻。

曠野看飛鳥。山堂擁巨鰲。新晴雲日變。昨夜雨風號。天意興名蹟。羣情寄濁醪。軒車來古寺。供帳起平臯。賢守從何得。斯文喜再遭。此中關典禮。豈獨繫風騷。轉覺經營易。回思計畫勞。十年謀築舍。九月始開簷。倭佛人情怯。驅僧物議囂。名山何宋宋。淫祀久滔滔。正氣思韓愈。遺書念李翱。憂來常獨往。論定忝同操。地脉還縣巨。山精莽遞逃。檐楹穿樹直。棟宇入雲牢。俎豆尊先哲。詩書養俊髦。臺前宜騁望。嶺上辨纖豪。細草嘶驕馬。輕波汎畫舫。謠譚依錦勒。魚動響春篙。蠶女條桑葉。溪翁摘礪芄。諸峯環几席。一水接城壕。

堂外仍栽柳。門前好種桃。榜題縣篆籀。碑版翦蓬蒿。百堵工徐作。層樓願尙饒。倚欄觀海日。側枕聽江濤。霧氣騰雙塔。風颿走萬艘。雷唐傳法曲。隋苑想雲璈。莫道縣華改。頻嗟戰伐塵。名泉湮石甃。隱語覓神膏。事更追唐宋。人還得謝曹。應求來越嶠。賓客有臨洮。劍氣齊騰上。珠光不可收。上梁文競作。招隱賦相挑。白雪歌難和。青天首自搔。芳筵歌繆。美酒瀉蒲萄。選味宜烹韭。升堂儼獻羔。朱弦調玉柱。鐵撥轉檀槽。華識園金帶。詩盟奪錦袍。清遊同落帽。險韻續題糕。勸客持荷葉。留賓送海螯。已知情倒極。何惜醉醺醺。燒火傳三楚。經綸重六韜。長江空似帶。羣盜實如毛。吏是今年借。恩從此日叨。使君多暇豫。黎庶失調嘈。美績真難及。天書特賜褒。四郊馳驛騎。三命錫旌旄。時太守擢觀祭將行惜別揮金盃。彈冠贈寶刀。似余原嫺拙。何幸倚賢豪。博雅推張載。循良繼叔敖。佗年懷舊德。名與碧山高。

同茗文兄咸中仁趾登堯峯避雨湘雲館晚霽望太湖諸山

峯勢崒嵒樵徑幽。初日欲上山煙收。筇輿登頓氣力祇。指顧已達千峯頭。高巖絕壑各莽蒼。突兀龍洞尤雕鏤。千年老蛟破壁出。爪痕尙作之而留。洞門巨石列几案。屹立不動如眠牛。摩挲偃仰不能去。雨勢倏忽騰山陬。奔雷盤空與石鬪。避濕且入東林遊。停車脫帽下階坐。辛夷爛漫光汕汕。寶雲泉水頗甘滑。亭來花蘂香浮甌。堂頭乞食向何處。我輩請法驚猿猴。衆僧側聽默無語。松聲挾雨疑深秋。須臾返照倚山壁。雲木澹蕩聞鉤輶。太湖萬頃瀉明鏡。洞庭如黛雙眉修。菜花黃綠錦成織。春秧鱗櫛鉞初抽。顧此豁然

快心日。辟倪萬象毛之輶。黃昏秋策下山阪。微茫月色銜前洲。

四月二日。由法相經石屋。上煙霞。涉九溪十八磴。至理安寺。渡嶺失道。尋眞珠虎跑。甘露諸泉。卽憩甘露僧舍。

初徑入南山。已覺巖壑僻。北山固聳秀。光景似莫敵。茲山富草木。老松足千尺。修竹幾萬箇。清陰覆崖石。法和隱眞僧。耳長聞過額。錢王來趨迎。四大膽衣襍。石屋誰所鑿。造物亦奇闢。東坡與秋壑。名共一落碧。賢姦今何如。千載總陳迹。煙霞疊新綠。上下如磨撫。回顧前所遭。瞥眼都一擿。涉谿徑益深。細水綠瀾窄。時聞闔薰香。幽芳不可摘。峯轉步恐迷。石觸路疑畫。不謂塵湓中。有此神仙宅。理宗昔巡幸。君子重遺澤。奈何吾道湮。竟以儒化釋。愛彼羸月樓。卻枕諸峯脊。此中好圖畫。妙手黃鶴客。老濤昔摹索。大得川谷益。方我入煙霞。嗟實已嘖嘖。謂畫似松年。及此又讓格。山水原無窮。自歎所見迫。歸路尋名泉。謬說一嶺隔。豈意行失道。幾罹豺虎厄。綫路狹狹爭。僅受履一隻。伏行達前山。履險仗廝役。出林逢老僧。神灑始漸獲。燒筍兼剝豆。飽食定魂魄。從容別滋味。子細審泉脈。吾倦欲一眠。繩牀借經籍。

晚過昭慶寺與曹秋岳侍郎別。

暝色下禪房。鐘聲上佛杏。到門山雨落。入夜白衣涼。詞賦傷羈客。湖山別侍郎。蓼莪同有恨。珍重此行藏。

時公與余
辭蔬不赴。

劉中柱

字紙淵，號雨峯，寶應人。以國子監官選都郎。出爲正定府知府，與汪蛟門、陶李深、汪舟次、符石林、朱秋厓、陳水堅、史燕飲、鄧孝威、同時爲詩友。濟南田山驪稱其詩波瀾老成。光輝發越。所著有兼隱齋詩也。

八卷，續抄三卷。
又小館詩集六卷。

讀先司馬公離騷註有感

東南倡節義，端文垂芳規。

端文顧公鑑成。

忠憲真卓犖。

忠憲高公攀龍。

先後相追隨。我公起淮海，名爲賢者推。

劉公宗周疏稱二公爲

東林領袖。

古道肅冠裳，清風振鬚眉。時俗尙工巧，好修非所宜。寒樹無春榮，窮竈少炎炊。殷憂不得志，耿耿

註楚辭。中心契幽冥。江潭接射陂。豈徒悅椒桂。別有靈均思。

徐健菴夫子召飲梨花下。卽席同紀柏子朱錫鬯汪蛟門顧寧人嚴蓀友。

薊門春已深。到眼繁花絕。突兀高樓前。雙樹儼成列。翩翩霓裳輕。瑩瑩玉壺澈。恍疑洛川神。一顧光皎潔。憶我故園中。芳菲定堪折。留滯京陌塵。睹此傷久別。沾春爲洗粧。幽芳臥明月。東風能幾時。吹落空階雪。

報國寺喜晤高澹人賦贈。

布衣姓氏九重知。召對曾經到鳳池。玉几看臨淳化帖。繡茵傳賦謫僊詩。露從仙掌盤中賜。香入宮袍袖裏披。記取慈仁松樹下。常筵風雨識君時。

古意。東朱十錫鬯。

解鶴從東來。脩然冰雪姿。徘徊不肯下。孤飛將安之。高凌青漢上。棲止蒼松枝。渴飲蓬瀛水。飢啄商山芝。

取意貴適性。長喉生清麗。俯視籠中鳥。跼蹐堪深悲。虞人空嘆羨。繒繳將安施。

送毛大可檢討假歸

玉河橋畔柳疎疎。惆悵離情百不如。同調十年懷舊雨。歸裝一束只殘書。紅燈綠酒開樽後。花影參聲撥棹初。回首上林人袞袞。馬頭塵起拂金魚。

平山堂拜汪蛟門墓

迤邐行郊外。肩輿當策筇。酒旗藏密柳。僧磬出孤松。地占東南勝。堂留六一踪。憑欄思故友。埋玉傍中峯。

題桃花扇傳奇

兩星夾日輝旌幢。樓船衝浪南渡江。福王入南都時。有兩黃星挾日而逝。金陵王氣消已盡。却思草草重興邦。中原鼎沸紛塵

埃。戰氛祇在長江外。半壁金湯據上游。六朝山水開都會。福王生小解溫柔。吹竹彈絲第一流。蟋蟀相公

工召敵。蝦蟇天子本無愁。福王嘗命乞兒捕蝦蟇。取蟾酥。合房中藥。士英納賄。有僧利根。英聞有似道之好。入稱蝦蟇天子。蟋蟀相公。至寶帶進姦僧手。士英餽賄。有僧利根。英聞有似道之好。入稱蝦蟇天子。蟋蟀相公。

德惠李沾。進一帶。屬利根。稱爲至寶。士英遂進御。江南錢樂馬家口。西邸紛紛日賣官。監紀如羊職方狗。當時謠曰。爲次饑饉之高下。填

塞馬家。奄黨新翻燕子牋。烏絲玉版譜朱絃。陽臺歌舞瓊樓上。士英進用阮大鍼。有詩曰。陽臺歌舞世間無。蓋指大鍼也。粧束梨園玉帳

前。大鍼嘗誦江上。衣蟒玉。見者呼爲梨園裝束。權奸事跡都如此。太學諸生清議起。幻蜃妖蜃羽檄飛。從此左兵南下矣。左寧南傳

蔡。有幻蜃妖。見者呼爲梨園裝束。聞部丹忱炳日星。臨江流涕望中興。密談空對應庭吉。史可法以聞部出鎮揚州。與推官應庭吉。酒

難。舌戰會勞柳敬亭。壓寨夫人威奪幟。四鎮鼠牙爭角特。黃金壩上陣雲飛。潘天鶴子尤恣肆。潘天鶴子。壓寨夫人。饒妻。服氏也。黃金壩之役。邢氏助戰。纔罷南兵又北兵。帝子夜走將軍營。瓜州渡口樓船下。桃葉山前鐵騎橫。西風颯

颯牙橋折。史閣部所乘船。桅竿每夜作聲。祭之不止。孤忠冷照揚州月。嶺上梅花擁白雲。一坏碧葬茂宏血。營門戰鼓聲寥寥。

星光黯淡雲爲濛。紫微垣星暗。史閣部所乘船。夜出。凌然泣下。靖南戰死二劉走。一載堪憐福運終。西長安門上有一對。福運告終云云。秦淮

流水清如玉。一片平蕪葬蛾綠。朱門草沒大功坊。孝陵夜夜啼烏哭。云亭才子寫殘春。譜出延年法曲新。

媚香樓畔青溪曲。種得桃花似美人。侯郎風調真無匹。櫻桃一曲鴛鴦結。却從從此挾深仇。可憐溝水東

西別。別後風波又幾重。含顰無那出深宮。內家散盡君王走。此後歸來百念空。何意塵緣猶未斷。棲霞山

畔還相見。情禪參破事從虛。千秋佳話留紈扇。離合悲歡夢一場。憑將兒女譜興亡。坐中亦有多情客。莫

向當筵唱斷腸。

劉家珍

字席待。號鹿沙。廣貢生。中桂子。少自詩名。與查夏重。殷彥來。唱和最多。著蟬堂集一卷。北香集二卷。藕花書屋集三卷。

自真州至浦口與中苦熱晚登彌羅閣

客程困炎燄。踏冰思赤脚。老僧偕我游。凌空得層閣。俯然生遠涼。天風向簷落。置身齊雲霄。縱目周寥廓。東西列衆峰。林莽望交錯。始覺紅塵中。卑棲徒束縛。仙人如可期。瑤壇跨蒼鶴。

曉登妙高臺

凌晨通霽色。獨上妙高臺。人語南徐近。潮聲北固來。帆檣雲外直。樓閣鏡中開。梵放聞清磬。魚龍聽法回。

高沙晚泊

孤城斜日泛春煙。簇簇歸帆古驛前。過市水聲收鴨陣。隔隄人語打魚船。無邊蔓草青連樹。不盡長湖白到天。趁得夜涼須挽棹。二分月向廣陵圓。

地安門觀荷

行盡荷池又稻田。碧花紅穗散秋烟。一羣鷺鴨三篙水。酷似江南雨後天。

吾家老嫗王氏。年八十有九。親見先學博春字公。至今凡七代矣。以老病歿。感而賦詩。

吾家老嫗八十九。鶴髮蕭蕭鮐背走。匣底猶存萬歷衣。嫁時記飲崇禎酒。少逢勝國變滄桑。往事時聞說申西。彷彿白頭宮中人。開元天寶不去口。吾家世系經七見。曾奉三山老詩叟。逮我司馬貞修公。早歲嶢嶢膺印綬。讀書風雪供茶湯。延座簪裾翦榛韭。傳來清白有家風。隱德綿延堪不朽。草疏涕淚誅豺狼。謝客金焦揮瓊玖。家乘瑣屑事不詳。老嫗備能言某某。初聞遺事喜不勝。信筆確記垂永久。別祖之德詎敢忘。老嫗例與世臣偶。每一召食心忤忤。相敬如見良師友。盧仝赤脚婢其儔。蘇軾春夢婆可取。老嫗老嫗脫諸緣。逍遙竟到無何有。太夫人亡二十年。人生安得如汝壽。

題張明府謫餘草後

澤國利旱年。畏水如畏寇。去秋遭天吳。萬頃不一救。賢哉惟我公。上書得入奏。帝心軫民瘼。撫卹一從厚。今春初佈種。涓涓水來又。我公悲災黎。奔馳瘁昏晝。村村舟必通。家家門可叩。水深雞犬逃。米盡兒女瘦。幾處最傷心。淚絲溼雙袖。形容傳諸詩。字字抵瓊琇。我起爲公語。災荒理可究。水去非天功。水來非天咎。淮黃壅上流。安得遂耕耨。東南六七邑。槩槩悲在疚。我願治河吏。置公詩座右。

藕花書屋落成

茅堂蕭散老東谿。又架虛檐接屋西。纔有窗陰三面闊。忽添花影十分齊。絳紗浮水朝霞起。翠蓋平欄落日低。受賀不須勞燕雀。鴛鴦已傍碧欄啼。

殷王嶧

字口口高郵人

題劉鹿沙深柳讀書圖

吾鄉澤國城爲孟。三十六湖連射湖。人家村村種楊柳。雖最少者皆千株。溪迴水抱一丸地。中間結屋鄰鷗鷺。鍵帷高嘯者誰子。吾友才氣今所無。牀頭堆書一萬卷。吐棄糟粕餐精腴。抱膝自爲雒生詠。時時纔樹枯吟鬚。湖光染作鼻頭綠。四圍柳色烟模糊。此時此景曠欲絕。胸次不著纖塵污。書成詣闕獻天子。才大豈得終菰蘆。獨惜溪山好風物。別久不見心煩紆。每思此地夢先往。兩倩好手皴爲圖。分明一嶺輞川畫。但一披對忘朝晡。他時歸去幸無忘。與君相約言非誣。朝擎艇子暮可達。綠陰深處聽鸛鷺。

周

爾字地六。江都人。居邵伯鎮。所著有雪蟾漫興詩。三百餘首。康熙戊戌。其門人陶虞臣倖之。其五言如登北

城外園亭云。露挹桐陰雙鶴立。雲移山色一亭開。清明集飲云。酒無礙病何妨醉。花趁能看莫厭頻。皆可摘也。

清明前二日同徐夢獻邱子高張伊蒿鄭開平張汝州潘持垣謝雲足王淑人過王天沙別墅探梅

時有先我而至者復放舟東湖賦此

青青湖上路人在暮春初楊柳藏新燕桃花上鰕魚不因詞客滿致令逸情疎到處花如繡尋芳過別廬

北固山

樵盤松逕曲引客涉危岑雨霽明山翠秋高薄樹陰潮來江岸遠鴻入海天深幽事誰人共僧閒伴我吟

虞山

喜得漁人引仙源路不賒流泉空谷響占殿半峰遮滿壑騰雲氣懸陂長蘗芽登臨落日外我獨愛山家

坐東郭草堂

村近遊常到吟成我自刪逢時無薄技息影得餘閒雨急何殊瀑雲高卽是山眼前多好景對此亦閒顏

吳

綺字蘭次。江都人。順治九年以拔貢生授中書舍人。奉詔詣楊繼盛傳奇。稱旨卽以楊繼盛之官官之。時以

暴興利。民皆稱便。凌先生義渠棺無葬地。蘭次捐貲卜地葬之。山人孫太初墓。在道場山下。鄭善夫構屋於其

掛瓢處。爲歸雲菴。歲久墓與菴皆荒圯。蘭次爲修葺。求得碑石于亂草中。立之。峴山舊有三賢祠。祀嚴魯公。蘇文忠。黃龜歸。既頽敗。野爲支釜庖湯之地。蘭次修而增祀王右軍。謝太傅。柳文暢。杜樊川。孫莘老。及明

陸鶴塘幼學。爲九賢祠。又訪孫莘老墓妙亭。知所立碑石。爲前守毀以磔池。出金使宅吏購之。不可得。因于其

故址作亭。而刻石以記。又潘岳撰。構觀山諸亭。吳興名勝。皆由函次著也。政治尚靜。放術散佚。蕭然雖
誦。嘗爲詞云。詩孤酒灑茶鑪。是開中簿書。可以見其風度矣。好賓客。四方名士。若施愚山。徐健菴。吳樸村
宋嘉謨。周樸園。高阮懷。黃九烟。及宗鶴間。卓火傳之流。過從無虛日。登臨唱和。風雅擅于一時。大吏卒以
此刻之。罷官後。乃遊虎邱。鄧尉。復與吳中士大夫相吟詠。又遊嶺南三楚而歸。既歸江都。貧無田宅。購墅隔而
居。有求詩文者。爲種一梅。久之梅樹成林。因名之曰種字林。莊蕤鄉軻于中。與汪蛟門懋麟。于武徵方岐。蔣
前民易。桑楚執事。宗梅宰定九。顯書宣圖河。鄧孝威漢儀。詩酒往來。後又卜居于黃江橋鎮。作歸湖詩以示同
輩。和者數十人。生平最工聯體。與陳其年並稱。又工詞。自號紅豆詞人。嘗以唐多令結于江神。風浪爲之息。
七古宗初唐。五七律安雅典貴。卓然成家。四庫書所稱神姿麗逸。不媿才人者也。惡世之斥宋詩者。乃理唐以後
集。爲宋詩永。金詩永。元詩永。若干卷刻之。所著有林慈堂
集。收入四庫。又有亭草詩集。記紅集。唐詩注。共若干卷。

塞下曲

日暮黃雲飛。天山夜傳箭。男兒好身手。結束事征戰。劍血污金鞍。袍花染成茜。勢絕無援兵。投幘目如電。
不恨死沙場。所恨君不見。坐令刀筆人。議論明光殿。

碧巖

弁嶺如率然。碧巖乃其腹。枯柏衍陂陀。蒼蒼滿椒麓。石磴幾盤紆。重屋互回伏。當其登頓時。一上一豁目。
屢憩始得達。曠朗見晴旭。下視七十峯。波搖夕陽綠。飛沫洒明珠。懸泉挂寒玉。幽池出雲氣。蜿蜒駭靈族。
憑空一舒嘯。乃信世塵促。

登隴山絕頂望太湖用康樂韻

春色生東南。良辰引孤眺。屢陟蜿蜒背。排雲入蒼峭。振衣覽震澤。一碧與霞曜。泠泠林樾閒。魚龍聽長嘯。

我時栖碧山。久處欲忘妙。捫蘿快所覩。得免猿鶴誚。既愜邱壑情。彌羨滄州釣。舉手望烟客。相期發幽調。

送聶孫赴粵幕。按聶孫。名狀。字無言。

銅馬門前橫晚照。年年別淚沾春草。丈夫投筆忽從戎。腰弓直出漁陽道。憶君年少讀奇書。樓畔停車玉不如。珠勒遊曾同白下。錦囊詩擬過黃初。此時意氣凌霄斗。醉挽姬人弄楊柳。起舞時聞越石雞。雄篇不換長卿酒。無端憔悴向長安。蜀道偏歌行路難。勢去田文空感慨。愁來范叔只飢寒。飄零巷北連茅屋。細語空堂夜燈綠。幽憤難教鸛鶴知。途窮却向驂騑哭。一朝揚僕擁戈船。十丈牙旗下九仙。揖客將軍稱大樹。登臺賓客愛紅蓮。羨君擲筆心偏壯。拂拭吳鉤笑相向。飛檄應教百郡傳。凱歌曾令三軍唱。我泛蒲桃持玉鐙。爲君倚筑歌吳聲。依人漫作思鄉夢。失路寧爲出塞行。君不見隆郿夜策羊城騎。囊內黃金鳴得意。又不見伏波高柱矗雲中。椒殿還論新息功。男兒致身會有處。安能老向東湖住。潮轟戰鼓打崖門。月照零丁人未渡。韓柳文章儻耳詩。送君南去日相思。手中但有長纓在。莫戀花田飯荔枝。

送仲潛南還兼訊同社諸子。

十年不到康山路。夢裏江雲瀉春樹。憶昔當年廡下棲。賃春早得臬君顧。此時廷尉縮金章。高名大節凌天間。君家兄弟富文藻。馬氏白眉稱最良。伯也論交具雞黍。晨夕追隨呼爾汝。與君接袂不多時。把酒談詩獨心許。待詔無多同曼倩。離懷歲歲驚飛電。潞河雙鯉不傳書。漁陽匹馬還重見。見君不爲利名來。取

卵危巢事可哀。萬里艱難歸趙壁。三秋慷慨上燕臺。燕臺薶沒堪長慟。昭王死後黃金重。紫閣何人解設
罇。朱門到處長題鳳。憐君意氣轉相投。匣藏浮查每共遊。寒燈歲臥山中寺。短筑狂歌市上樓。狂歌醉臥
日相看。似爾渾忘歸計難。豈謂秋風生短褐。却教明月照征鞍。高梁鞍馬斜斜照。丈夫小別何堪道。心事
寧須兒女知。圖謀肯使英雄笑。爲我傳言舊酒徒。五陵同學漫踟躕。長卿已倦遊梁興。欲向康山更結廬。
鶴洲草堂偕季點坦夫。

放棹尋鴛水。停橈問鶴洲。荷香高入檻。竹密翠遮樓。有石都能瘦。無溪不占幽。烏魚渾自得。盡日爲淹留。
水部詩應好。東山許客俱。一園開兩徑。孤閣見重湖。著處安棋局。隨明得畫圖。再來知未厭。留約與沙鳬。
歸雲菴拜孫太初墓

何處覓榛闌。林中宿草斑。殘碑生白雪。高士有青山。春淺花猶夢。天空月未還。託交憐異代。惆悵夕陽閒。
典裘。出都有三裘。至廣陵。友人復以貂贈。丁未秋。盡付質庫。一以毛脫獨存。湖山風雪。被服閒尚有舊靈光也。

賈酒曾爲爾。官貧近復然。賤酬增僕恥。勤曝益妻憐。深厚惟思略。奇溫定屬綿。如何五湖長。不及敝秦年。
質耳。予少多雄。內子備極流離。乙巳夏。覃恩封宜人。拮据爲具六如。云報也。丁未。在郡。亦付子母家。成兒周堂日。不能備禮服焉。北門之謂。賴德耀其庶幾乎。

象服邀天寵。相酬幸有端。恩榮纔五馬。驅使及雙鸞。翠滅花奩空。珠銷綠鬢寒。琴臺同一笑。廉婦欲爲難。
解帶。丙午。過普川儀鳳橋。解金帶助輿梁之役。旋復置一圍。未御而旋以愈廢之。嗟哉。萬釘九環。亦有神命耶。

芍藥聞前兆。園金忍見辭。非關留鎖寺。不暇去題詩。望失裴還日。思添沈瘦時。黃金誰更贈。空自記犀昆。

鎔杯

鄉俗往來。多以杯舉。近習務作偽。以赤董勝。大抵不及三環耳。急中盡付治工。在鑊中者。皆不材也。何若竹根木屨。稱耐久朋哉。

樂聖平生志。銜觴竟鮮終。寧言真羽化。只是費鑪鎔。耿雪成何易。陶巾漉未慵。瓦盆翻自得。長占酒泉封。

歸雲菴夜泛。同愚山阮懷諸子。

山晚離城遠。寒新怯暮遊。亂峯爭落日。一徑入深秋。清興因官懶。詩名借客留。何時能解綬。終夕對滄州。

萬玉菴古梅詩。

康熙丁未。行都雋城。遊萬玉菴。于牆外獲壤中。得古梅一株。濯而培之。緣以粉垣。使近堂下。以石圍護之。倍加愛焉。嗟乎。金城之柳。宣武見而傷情。東陽之槐。仲文樂而隕涕。卉木榮悴之故。其感于人心者深矣。復作一章。併前與題之子壁。庶後之君子。有所觀感也夫。

以石圍護之。倍加愛焉。嗟乎。金城之柳。宣武見而傷情。東陽之槐。仲文樂而隕涕。卉木榮悴之故。其感于人心者深矣。復作一章。併前與題之子壁。庶後之君子。有所觀感也夫。

得樹當年事。重來憩雁堂。歲時空冷落。草木少炎涼。載酒人還到。巡檐思轉長。不須憂剪伐。仙令在河陽。

蛟門招同孝威、豹人、崔問小集。

別離經幾歲。相見復今年。客子頭先白。先生意獨元。花香生酒畔。燕語落燈前。騎馬寧愁滑。蟾光正滿天。

南安客舍水閣對月

浪跡渾無定。投林似暫歸。橋橫河路曲。月出水烟微。凝思看鳬浴。含情待雁飛。誰憐砧杵夜。萬里共時暉。

泊下簾

泛楚暫停棹。遙遙野水邊。燈明沽酒肆。歌出打魚船。夢不因雞醒。歸終讓雁先。計程猶自遠。月共客心懸。

遷居種字林有作

懶效靈均卜，因攜抱璞裝。鶴馴能負笈，龜老解支牀。過雨移山竹，留春障海棠。從今花下醉，醇酒寄襄陽。

梅岑月樵偕顧書宣過訪

舊好思宗炳，能偕二仲來。留連當竹坐，徙倚值花開。老覺貧交重，清知俊友才。不嫌山徑淺，頻得破蒼苔。

黃子湖

晚歲甘幽僻，謀居就水涯。庭虛容看月，地敞足栽花。老鶴宜三徑，閒鷗共一家。夜來清夢穩，不復聽城笳。

寄懷浯溪夫子

酒濕青衫半淚絲，燈殘猶掩一編詩。未成國士羞言報，不遇名賢恥受知。千里高情吟荔字，三年宦況問梅枝。吳公去後循良少，懷舊長沙不自持。

悼友詩

鄒蘇字建之，邑諸生，能文善書，死于兵。

自是梁園授簡人，堪悲血影濺泥塵。玉樓渺渺天難問，塵劫悠悠草不春。幾日醇醪歸後想，一編風雅夢中身。西齋尚有留題處，眼見銀鈎淚滿巾。

趙璘，字子璘，府諸生，家貧嗜學，性不諧俗，死於兵。

登樓衰酒只今年。再過雙扉鎖暮烟。身後有人嫌調冷。生前無事許人憐。文園命薄終慳遇。昌谷才高亦累仙。從此茱萸灣畔路。不堪回憶李膺船。

高孝纘字申伯城破時自經于文廟

陳東痛哭已吞聲。南望驚傳繫短纒。蟋蟀河山歸宰相。蜉蝣風節在諸生。丹楹一代名無忝。白馬三更夢不平。却憶射書城下者。夜臺瓜葛好班荆。

入署拜椒山楊先生祠時奉命譜椒山傳奇

排雲寧計九重賒。猶剩清風滿署衙。觸佞角應同獬豸。驅奸膽不惜蝥蛇。當年臣節何須補。異代君恩更有加。欲譜遺忠難握筆。先生原是古夔牙。

和王阮亭訪大明寺

潞河南望隔江烟。七歲清明冷石泉。何處樓臺留梵劫。有人詞賦倚吳天。殘花著雨迷荒隴。流水逢春入廢田。客夢一時艱去住。憑誰同問寶公禪。

送文潯從軍

風急盧龍塞草霜。故人一騎出漁陽。誰能更護諸侯使。自喜相逢俠客場。青海射雕金箭落。紅樓繫馬錦衣香。江東公瑾眞年少。莫誤春閨盼綠楊。

感吳梅村學士

江關蕭瑟古今愁。宗衮文章八代優。雅志豈須題墓見。餘生端爲著書留。亂山短夢傳佳詠。日落高臺憶舊遊。青史飄零華屋冷。羊曇空自哭西州。

雪中飲唐朗思寺寓

雪館論交客思頻。相逢雪屋倍情親。三更濁酒春前飲。四壁寒燈夢後身。父老未忘騎竹事。園林猶識種桃人。葛疆若遇君歸棹。爲報霜華兩鬢新。

偕徐健菴同年李武曾姜西溟陳其年暨家志伊并長兒過訪毛黼季汲古閣賦贈

訪戴同爲剡曲遊。紅橋新柳繫蘭舟。六朝花草重三日。四海文章第一樓。扶病敢辭孤榻小。多情只爲異書留。移家若許爲鄰竝。盡把牙籤借鄴侯。

送宗鶴問之官秋浦

水國垂楊挂夕暉。河梁執手寸心違。不教才子題紅葉。却送先生上翠微。山水有情人未老。琴書無事道寧非。金門曼倩知多少。羨爾江邊苜蓿肥。

送汪舟次太史奉使中山

諭蜀何煩羨馬卿。駢騠夾道送君行。裝從南越臺前盛。文向東坡海外成。島嶼豈期才子見。波濤知爲聖

人平獨憐異國相思處。萬里蓬壺月又生。

采菱曲

新婦磯頭蘸綠波。采蓮何似采菱多。蓮心有味郎嫌苦。菱刺鉤衣郎奈何。

補種平山堂楊柳

何人新種綠陰齊。六一堂高古竹西。却笑隨堤千萬樹。近來無處著鶯啼。

彭士右

字舉侯。儀徵人。

雨後

莫嫌行路濕。草色正萋萋。曉氣青塵袂。春沙潤馬蹄。看山新耳目。飽食足鹽齏。計日鄉關遠。晴雲處處攜。

劉允祚

字永錫。號遠菴。泰州人。

中秋夜泊滕王閣

繞閣江光浸落霞。蒼蒼雲樹接蒹葭。人逢勝地詩難續。客爲浮名髻易華。帝子風流餘畫蝶。才人詞賦問棲鴉。重來攬勝知何日。徒倚闌干對月斜。

趙開雍

字五絃。號章齋。寶應人。

桐廬道中

邑小同邨落。千峯列懸前。灘高潮力減。風順櫓聲便。樵子雲中路。人家畫裏天。此閒思卜宅。先辦買山錢。

于王棟

字上叔。號谷饒。江都人。

韜光寺

萬竹綠沈寺。登臨此地高。五更窺海日。一綫走江濤。歲月悲流水。行藏感鬢毛。懷人更懷古。不覺首重搔。贈柴丈

惆悵春雲澹碧空。隔江魚雁倩誰通。一囊風月誰知己。雙管烟霞有化工。存沒涕痕兵甲後。亂離心事酒杯中。相期共約滄洲雪。不羨淮南有桂叢。

華

字龍眉。江都人。

將入燕有作

落日下河梁。風塵遠何之。踟躕不能別。私念寧無悲。僕夫策晨裝。征馬停路岐。蕭蕭北風厲。眷眷長河湄。矢志在四方。中懷常告誰。不怨霜雪苦。豈憚羽毛疲。翹首望長安。行役及此時。人生重少壯。牖下將何爲。送陳其年歸宜興

金陵漫興

行盡淮南路。荆溪是故鄉。鴻飛半江月。夢歷一船霜。歲酒催春至。梅花笑客忙。還家對妻子。高臥讀書堂。

紅樓閒敞舞衣塵。舊日青山蔓草新。桃葉自流千古韻。江聲遙送六朝人。臺空夕照天花雨。磯鎖東風燕子春。爲問來遊諸貴客。幾回買醉歇朱輪。

野寺秋林

蕭瑟空林澹夕陽。遙聞鐘磬出雲堂。人行竹徑衣全綠。葉落山房瓦半黃。狐兔岡陵秋獵急。牛羊樵牧寺門荒。郊原何地烽烟靖。衰草寒烟暮雨長。

徐

衡字辰玉。號青嶽。江都人。

由九華京峴至招隱道中作。

霜林風細葉聲乾。路入千峯第幾盤。行客每從江上望。山僧只向坐中看。雲封古洞苔痕綠。松映新泉日影寒。更欲幽尋巖際寺。石橋烟月正漫漫。

姚誼防

字舒恭。江都人。

紅橋野望

倦極憑尊睨。閒來此地遊。有園皆而水。無樹不遮樓。黃鳥春殘怨。青旗入暮愁。好尋嵇阮輩。結侶共林邱。

海陵重晤余聖玉。感舊兼憶家叔都門。

竹西亭畔月微明。曾記從君載酒行。隋苑鶯花迷一棹。草堂絲管怯三更。合離未醒當年夢。生死誰憐舊

日盟此地重逢真不意。幾回惆悵故人情。

李嘉允

字爾孚。號孟齋。秦州人。

夜識軒

山靜寺亦古。窈然入初冬。曉見千峯霜。夜聽寒巖鐘。有閣非草元。有酒勞過從。柳下真吾師。閱世非不恭。

九日同客飲石宮

露白葭蒼節序哀。旅情鄉思共登臺。邗江浪冷芙蓉暗。沙磧風悲雁鴦迴。醉眠極天窺月小。亂山遮樹逐雲開。芳樽敢惜遲遊屐。城闕新晴暮鼓催。

吳維翰

字五玉。如皋人。

迷樓懷古

隋堤楊柳幾經秋。策馬平山訪舊遊。錦纜已隨流水沒。玉階難爲故宮留。可憐粉黛三千女。空占烟花十二樓。往日笙歌二分月。夜來猶自照邗溝。

